

Nnwər kw'Asi-aponga

Nnwər nwa okpen Nnwər kw'Asi-aponga. Odem kwa nnwər nwa ode odem kw'okhuri anong p'iwa Ibinokpaabyi om-otzekha anong bi, bę ade asi-aponga k'Israël tzoni k'obo kwa Joshua maa, apyiri k'ittewɔr s'ogbe kw'avaar p'Israël k'ogbe kwa Samuel օdabhi. Iwa ode ogbe kw'ekhomma ch'Israël ekk'eho egaangi ənang echeckhi ch'Ibinokpaabyi. Kaambi ode bi, wa anong p'Israël akk'echikhi bi, bę ahok echeckhi ch'Qvaar Ibinokpaabyi, wa bę akk'nnam akpa abora Qvaar Ibinokpaabyi, an-akpobha ekpo ədədək. Wa ənong kpenamkpen on-orukhi akpen k'odem kw'odaakh-e. Ndori s'atzim pa nnwər sę nde bi: wani, wa anong akpa nnam abora Qvaar Ibinokpaabyi; mfa, wa Ibinokpaabyi om-otzima əfa ch'okhekhenmon ənang bę etuma; nttaan, wa anong mba am-abhom əkkaana anang Ibinokpaabyi; nna, wa Ibinokpaabyi əbhaanga əməng nda, otzekha əkkaan kw'ode osi-aponga kwa bę. Ənong kw'orong əkkəri kwa nnwər nwa kode, yina, immaana-dik rani s'abajew ichibhi bi, Samuel wə əkkəri Nnwər kw'Asi-oponga.

*Anong p'Israël arim anong pa Kenaan p'arikh
abe*

¹ K'ogbe kw'iwa Joshua əkk'əpa, anong p'Israël abəbh Qvaar Ibinokpaabyi bi, "Bəng ekhomma chaman də échi eden ətza erima anong pa Kenaan abə o?"

2 Iwa Ọvaar Ibinokpaabyi obhina bi, “Ekhomá cha Juda dọ échi eden; kaam nkk'irerek na ndókha nge ka mbóhk sabé.”

3 Mè wò ofon, anong p'ekhomá cha Juda aben anong p'ekhomá cha Simeon p'aide ayokh-obhon pabé p'Israél bi, “Bong kwu tzon man abé, mochina k'ekhomá cha bę akkem anang man, ifha móntza orima anong pa Kenaan abé. Maman óbiro ótzon bong abé ochina k'okhubha kwa bong.” Mando kw'anong pa Simeon atzoni bę abé.

4 Mando kw'anong pa Juda atza arim egbong nda. Ọvaar Ibinokpaabyi osi anong pa Juda akhema anong pa Kenaan omaana anong pa Périt. Wa bę afhu anong nnohna ेrobh obhiri nzen ka Bézék.

5 Mè wò kw'iwa bę are Adoni-Bézék kw'ode ọvaarnong kwa Bézék abira arim-ę abé, bę abira akhema anong pa Kenaan omaana anong pa Périt.

6 Wa Adoni-Bézék ेrobh. Bę akhubh-ę abira abókh-ę, bę akpaar-ę nnónna-dim sa mbóhk omaaná sa mmo.

7 Mè wò ofon, Adoni-Bézék oben bi, “Avaarnong arobh attaan obhiri jobh pa bę akpaar nnónna-dim sa mbóhk omaana sa mmo, akk'abiribiri p'echakpo adungi k'okpokkoro kwaam irekhirek. Ma, Ibinokpaabyi okk'aam ọsa mach'iwa nsi bę.” Wa bę atzin-ę atzima achina ka Jérusalém, ọtza ope kę.

8 Iwa ajinong p'ekhomá cha Juda abira arima anong pa Jérusalém abé, akhema bę. Wa bę atzima ọkkaangkkaang afhu anong p'odedenmon nwa, bę abira akhe obhon ekpon.

9 Ayongi mè, anòng p'ekhoma cha Juda ahakha atza arima anòng pa Kenaan abè, p'arukhi k'okhubha kwa mgbegbeho ka Nègev ọmaana k'okhubha kwa mgbegbeho sa nder-otzéri, k'okhubha kw'ewuchen em-eyin.

10 Wa anòng pa Juda atza arima anòng pa Kenaan p'arukhi ka Hebròn (kw'iwa okpen Kiriyat-Arba). Bè abira akhema Sheshayi ọmaana Ahiman ttara Talmayi.

11 Bè afona mè atza arima anòng p'arukhi ka Dèbir (kw'iwa okpen Kiriyat-Séphèr).

12 Iwa Kaleb oben bi, "Ojinong kpenamkpen kw'orim Kiriyat-Séphèr abè, obiro okhem-e, kaam nnang-e Aksa kw'ode ominanwa kwaam k'obada."

13 Wa Otniyel kw'ode nnwa kw'ijinong kwa Kènaz, kw'iwa ode ọgbaanotte kw'ikhakhari kwa Kaleb, okhema obhon nwa. Mando kwa Kaleb otzök ominanwa kwé Aksa ọnang-e k'obada.

14 Iwa ewu dani, Aksa okwu okhebha Otniyel, ọchöhma Otniyel bi ọtza ophyem otte kwa kẹ Aksa irerek. Mada Aksa ọhak k'enyanayaang che, Kaleb ọbòbh-e bi, "Mbóng f'áror bi nsi nnang-ó o?"

15 Mè wọ ofon, Aksa obhina bi, "Kọ si-m ittaböhng. Mada akk'aam irerek ananga ka Nègev, kọ biri nnang-m akhekhalo." Mando kwa Kaleb ọnang-e akhekhalo p'ebira-ebira ọmaana p'érakha-érakha.

16 Iwa va pa va pa Ken kw'ode otte kwa kwanong kwa Moses, ttara anòng pa Juda abina k'Odedenmon kw'Aji, atza aruk k'ottem kw'anòng p'arukhi k'ebherede cha Juda, ka Nègev ọbaanga Arad.

17 Iwa ajinongan p'ekhomma cha Juda atzon anong p'ekhomma cha Simeon p'ade ayokh-ibhon p'Israël, bę atza arima anong pa Kenaan p'arukhi ka Zephath abę. Bę adimi obhon kwa Zephath biphyirphyir. Mę wę ofon, bę an-ayeri obhon nwa Horma*.

18 Wa anong pa Juda abira akhema ibhon sa Gaza ọmaana Ashkelon ttara Ekrön. Wa bę aboł odedenmon kpenamkpen ttara enem che.

19 Iwa Ovaar Ibinokpaabyi owobh ttara ajinongan p'ekhomma cha Juda. Bę akhema okhubha kwa mgbegbeho, yina, wa bę anong p'arukhi k'ittolim kafha akhubh, da iwa bę akhaam akpaar pa nnyanyaang mmindor p'adeakkonga-akkonga.

20 Wa bę atzokha Hebron anang Kaleb, kw'okhubhi va pa va p'ijinongan attaan p'Anak, mach'iwa Moses okk'ochekhi.

21 Wa anong p'ekhomma cha Benjamin, anong pa Jébus p'arukhi ka Jérusalém kakhubhi; anong pa Jébus atzim arukhi k'ottem kwa anong pa Benjamin maa, apyiri k'ewu cha mayina.

22 Ovaar Ibinokpaabyi owobh ttara ekhomma cha Joseph, bę atza arima obhon kwa Béthel abę.

23 Mada bę atzohmi ntto s'ehohmmor cha Joseph ka Béthel (kw'iwa okpen Luz).

24 Ntto nna nne ojinongan wani kw'om-ofona k'odedenmon oyin ka, bę aben-e bi, "Ko tzilb man eden cha mórenga odim k'obhon etzaanga, maman óbiro ore kwę ore bi, mosi ejibha osi ɔnang-o."

* **1:17 1.17** K'eHiburu, Horma oyini ekhibhi.

25 Mę wọ ofon, wa ojinong nwa otzibh bę eden, bę atzima ọkkangkkaang afhu anong p'odedenmon. Yina, wa bę ojinong nwa omaana ehhohmmor chę kafhu.

26 Wa on-ochina k'irerek s'anong pa Het osi odedenmon mę, oyer-ę Luz, kw'on-ode che ch'ibe nna maa, apyiri k'ewu cha mayina.

27 Yina, wa anong p'ekhomma cha Manasę, anong pa Bet-Shan omaana pa Taanak omaana pa Dor omaana pa Ibleam omaana pa Megido ottaara abhobhona pabę biphyir kakhubhi, da iwa ofon anong pa Kenaan ka nttem bi, bę aruk ka ngoma nna.

28 K'ogbe kw'iwa anong p'Israeł akk'efa an-akhaama, bę an-asi anong pa Kenaan asi obira-tzohm. Yina, wa bę anong mba biphyir kakhubhi.

29 Wa anong p'ekhomma ch'Ephraim anong pa Kenaan p'arukhi ka Gęzər kabira akhubh, yina, wa anong pa Kenaan achin ororo aruk ttara bę.

30 Wa anong p'ekhomma cha Zebulun anong pa Kanaan p'arukhi ka Kitron omaana ka Nahalol kakhubhi. Mę wọ ofon, wa anong pa Kenaan achina ororo aruk k'ottem kwabę. Yina, wa anong p'ekhomma cha Zebulun an-asi anong pa Kenaan asi obira-tzohm.

31 Wa anong p'ekhomma ch'Asher anong pa Kenaan p'arukhi k'Ako omaana ka Sidon, omaana k'Ahlab omaana, k'Akzib omaana ka Helba, omaana k'Aphęk ottaara ka Rohob kakhubhi.

32 Ofona mę, wa anong p'ekhomma ch'Asher achina ororo aruk ttara anong pa Kenaan, okhuri da iwa bę ani bę akhubhi.

33 Anong p'ekhomma cha Naphtali anong p'arukhi

ka Bet-Shemesh omaana ka Bet-Anat kakhubhi, wa bę achina ororo abira aruk ttara anong pa Kenaan. Yina, wa anong pa Naphtali an-asi anong pa Kenaan p'arukhi ka Bet-Shemesh omaana ka Bet-Anat asi obira-tzohm.

³⁴ Wa anong p'Amor akpa anong p'ekhoma cha Dan amaana k'okhubha kwa mgbegbeho, bę anong pa Dan obohk katte ahakha akwu k'ittolim.

³⁵ Wa anong p'Amor abira asi achibhi bi, bę aruk k'egbegbeho cha Heres, omaana k'Aijalon omaana ka Shalbim. Yina, mada iwa anong p'ekhoma cha Joseph akk'efa an-akhaama, bę an-asi anong p'Amor asi obira-tzohm.

³⁶ Wa enem ch'ekhoma ch'Amor ettewor k'Eden ch'Ininaang, etzima ętza epyiri ka Sela maa, ekwobha ęrohng.

2

Orenga-eden kw'Ibinokpaabyi oyin anong p'Israeł abe

¹ Iwa orenga-eden kw'Ovaar Ibinokpaabyi obina ka Gilgal, ochina ka Bokim oben bi, "Kaam ndim bong mbina k'Ijip, ndima bong nchina k'irerek s'iwa ncerekhi bi nnang ab'atte. Mben bi, 'Kaam echerki cha ngaam ttara bong, kimbiri mfha mvohkhi.'

² Bong kakhaambi asi echerki ttara anong p'arukhi m'irerek nna. Yina, bong akhaambi avohkhi ojafohnibe fabe.' Kaambi me wę, bong itzohng k'atzim paam kayong. Bong an-asi yan asi mando?

³ Ma, kaam nkk'bong na mbena bi, 'Kaam anong mba kabong k'itzitzikha kingwubh; bę áde

mach'amma amunapé anang bong, ikha sabé íbiri
íde mach'agbagbara inang bong.'"

⁴ Mada oreng-eden kw'Qvaar Ibinokpaabyi
okk'anong p'Israél idik nna biphyir ọgbaakha,
anong mba abhom among k'erong.

⁵ Wa bé ayeri ibe nna Bokim*. Bé afohni nja
m'ibe nnuma anang Qvaar Ibinokpaabyi.

Oho-gaangi kw'osi bé akhema anong p'Israél

⁶ K'ogbe kwa Joshua okk'anong p'Israél obena
bi bé abhana, anong kpenamkpen abhana atza
atzokha irerek s'ide ekkema chabe.

⁷ K'ogbe kw'iwa Joshua orukhi akpen biphyir,
omaana k'ogbe kw'iwa adeho p'iwa arukhi akpen
da Joshua ọkk'opa, bé abira are odik kpenamkpen
kw'iwa Qvaar Ibinokpaabyi ọkk'osa ọnang anong
p'Israél, wa anong p'Israél akpobha Qvaar Ib-
inokpaabyi.

⁸ Iwa Joshua kw'ode nnwa kwa Nun, obiro ode
otzohmnong kw'Qvaar Ibinokpaabyi, ope da ode
cho aròbh azen obhiri jobh.

⁹ Wa bé anohng-é k'irerek s'ide ekkema che,
ka Timnat-Sera k'okhubha kwa mgbegbeho
s'Ephraim, k'ebira-ebira kw'egbegbeho cha
Gaash.

¹⁰ K'ogbe kw'ogbo nwa biphyir ọkk'opa otzor
ab'otte, ogbo ododòk ọn-obar kw'oni Qvaar Ib-
inokpaabyi ọrobhi, omaana idik s'okk'osa ọnang
Israel.

¹¹ Wa anong p'Israél asi ebibya k'itzitzikha
s'Qvaar Ibinokpaabyi bé an-akpobha ikha sa Baal.

* ^{2:5 2.5} K'eHiburu, Bokim oyini abhom-émong.

12 Bé akpa nnam abora Ovaar Ibinokpaabyi, kw'ode Ibinokpaabyi kw'ab'otte, kw'iwa otzim bé obina k'Ijip. Be an-atzor ayokh-ibaanga, akpobha ikha sabé. Be ajemi idodokhi s'Ovaar Ibinokpaabyi,

13 okhuri da iwa bé akpa nnam abora Ovaar Ibinokpaabyi an-akpobha ikha sa Baal ọmaana s'Ashtoret.

14 Wa Ovaar Ibinokpaabyi otzima idodokhi otte anong p'Israél obohk ọnang attattaanga-nong, p'achi bé k'egbong. Okpe anong p'Israél ọnang attattaang-nong pabé makhora, pa bé ani abé dok afha abe.

15 Ogbe kpenamkpen kw'anong p'Israél atza egbong, Ovaar Ibinokpaabyi otte anong p'Israél obohk ayok akhema bé, otzor k'önwöhngi kw'ókk'otzökha. Wa anong p'Israél an-awobh ka dama-dama kw'ideden.

16 Iwa Ovaar Ibinokpaabyi ọnang anong p'Israél asi-aponga, p'akkaan arrobha bé ka mbóhk s'anong p'achi bé k'egbong.

17 Kaambi mé wó, wa anong mba itzohng kayong anang asi-aponga pabé. Yina, bé akpaanga m'ikha s'anong mba mach'azaaza, amakpobha ikha. Wa anong p'Israél ajaabhi mmo atte immaana-dik s'ab'otte obohk, ab'otte p'iwa ahak eho anang asana p'Ovaar Ibinokpaabyi.

18 K'ogbe kpenamkpen kw'Ovaar Ibinokpaabyi osi ọnong ottohn-aponga, kẹ om-owobha ttar-e, ọkkaana orobha bé ka mbóhk s'attattaanga-nong pabé otzor k'odem kw'osi-aponga nwa oruk opyiri. Wa Ovaar Ibinokpaabyi ọkpa nnam obora idodokhi sé, okhuri emong ch'anong p'Israél abhomí, k'ihem s'attattaanga-nong pabé am-anang

bẹ.

¹⁹ Yina, idikha osi-aponga nwa ope, anong p'Israël akpa nnam k'ommaana-tzama kw'opyibhi ọyohnga kw'ab'otte pabẹ, atza akpobha ikha abira ahakha echo anang sẹ. Wa bẹ for kado bi, bẹ akpa nnam abọra ibibyadik ọmaana ohogaangi.

²⁰ Mẹ wọ ofon, wa Ovaar Ibinokpaabyi ọdokhi ettem otzima otzor anong p'Israël oben bi, "Okhuri da ẹkhoma nda ekk'echekhi chaam cha nkk'nda nnang ab'otte ẹvohkhi, bẹ itzohng kabira ayonga anang-m,

²¹ kaam idibhon sa Joshua ope oji ka bẹ k'itzitzikha kíngwubh.

²² Kaam ndima idibhon nna nyoma anong p'Israël, ifha nne s'ode na bẹ afha aruk akpen atzor ka nden s'Ovaar Ibinokpaabyi mach'iwa ab'otte arukhi."

²³ Wa Ovaar Ibinokpaabyi otte idibhon nna ọbọhk iwobha, sẹ k'ogbe wani kokhubhi, da iwa oni sẹ ọbọhk otte ọnang Joshua.

3

¹ Ma wọ ode idibhon s'iwa Ovaar Ibinokpaabyi otte ọbọhk iwobha, ifha otzima oyoma anong p'Israël biphyir, p'iwa ani egbong manda dani k'ekhoma cha Kenaan atzima arima.

² (Wa osi mando ifha otzima mẹ okpebhi va pa va p'anong p'Israël odik okhuri egbong, p'iwa ani egbong arong):

³ wa idibhon nna ide avaar azen pa Philistiya, ọmaana anong pa Kenaan, ọmaana anong pa

Sidon, omaana anong pa Hiv p'arukhi ka mgbeg-beho sa Lebanon, ttewor k'egbegbeho cha Baal-Hermon maa, apyiri ka Lebo-Hamat.

⁴ Wa otte idibhon nna ɔbɔhk iwobha k'odem kw'otzima se oyoma anong p'Israeł, ifha ore s'ode na be ahokh asana p'Ovaar Ibinokpaabyi p'iwa okk'orenga ka Moses ɔnang ab'otte.

⁵ Iwa anong p'Israeł arukhi k'ottem kw'anong pa Kenaan, omaana anong pa Het, omaana anong p'Amor, omaana anong pa Periz, omaana anong pa Hiv ttara anong pa Jebus.

⁶ Wa anong p'idibhon nna atzok aminava p'Israeł k'obada, be atzokha aminava pabé anang ajinong p'Israeł k'obada, be abira akpobha ikha s'idibhon nna.

Otniyel ode ɔsi-aponga kw'Israeł

⁷ Iwa anong p'Israeł asi epyibha k'itzitzikha s'Ovaar Ibinokpaabyi, be araama Ovaar Ibinokpaabyi, kw'ode Ibinokpaabyi kwabé. Be abira akpobha agbatza pa Baal omaana mkpommachi s'Ashera.

⁸ Ovaar Ibinokpaabyi ɔdokhi ettem otzima otzor anong p'Israeł, otte be ɔbɔhk ɔnang ɔvaarnong kwa Kushan-Rishatayim kw'ofon Aram-Naharayim. Mando kw'anong p'Israeł asi itzohm anang Kushan-Rishatayim ka cho azenanttaan.

⁹ Me wɔ ofon, wa anong p'Israeł abhomiekkana anang Ovaar Ibinokpaabyi. Wa Ovaar Ibinokpaabyi otzima ɔkkaan okwu ɔkkaana be. Wa ɔkkaan nwa okpen Otniyel kw'ode nnwa kwa Kənaz, kw'ode ogbaanotte kw'ikhakhari kwa Kalęb.

¹⁰ Wa egwugwuma ch'Ovaar Ibinokpaabyi ch'efa
enwe-e, on-okwu ode osi-aponga kw'Israel. Wa
otza orima egbong ttara ɔvaar Kushan-Rishatayim
kw'ofon Aram. Mando kw'Ovaar Ibinokpaabyi
okkaan Otniyel ekhem-e.

¹¹ Mé wó ofon, odidiri okhuna m'irerek nna
ka cho aróbh afa, maa, opyiri k'ogbe kwa Otniyel
kw'ode nnwa kwa Kenaz ope.

Ehud ode osi-aponga kw'Israel

¹² Iwa anong p'Israel abira asi ebibya
k'itzitzikha s'Ovaar Ibinokpaabyi. Okhuri ebibya
nda cha bé asi, ɔvaar Ibinokpaabyi ɔnang Eglon
kw'ode ɔvaarnong kwa Moab éfa ch'ókhem anong
p'Israel.

¹³ Wa Eglon oben anong p'Ammón omaana
anong p'Amalék bi, bé akwu attar-e ifha bé atza
arima anong p'Israel abé. Wa bé atzókha Odeden-
mon kw'Aji.*

¹⁴ Wa anong p'Israel awobh k'irekhirek kw'efa
ch'Eglon kw'ode ɔvaarnong kwa Moab, ka cho chi
obhiri attaan.

¹⁵ Iwa anong p'Israel abira abhom emong anang
Ovaar Ibinokpaabyi. ɔvaar Ibinokpaabyi ɔnang
bé Ehud mach'okkaan kwabé. Wa Ehud osi
ibhiribohk, ode nnwa kwa Géra kw'ofon k'ekhoma
cha Béjamin. Wa anong p'Israel atzóhm Ehud bi,
ochena ɔvaar Eglon kwa Moab nnduma.

¹⁶ Wa Ehud okk'ókkangkkaang ɔsa, kw'adum
pé apyiri ottóhk k'etzókh dani, ojaabhi nnam
mfa. Ótzókh-e odatah k'ogbok kw'odimbóhk k'ekpo
py'ofor, etzaanga.

* **3:13 3.13** Odedenmon kw'Aji ode Jeriko.

¹⁷ Ọtzökha nnduma nnuma ọnang ọvaar Eglon kwa Moab, kw'iwa ode ọnong kw'obari ẹfa kpɔŋ-kpong.

¹⁸ K'ogbe kw'Ehud okl'oyok nnduma ọnanga, oben anong p'ira atzohk nnduma nnuma bi, bẹ akpa nnam abhana.

¹⁹ Yina, mada bẹ apyiri k'agbatza pa bẹ atzim atza abanga ọbaanga Gilgal, Ehud ọkhaam obe mẹ ọkpa nnam k'Eglon, oben-ẹ bi, "Ovaarnong o, kaam ngaam ẹkkaabha cha ndubhama cha mbeni bi, mgbakhh-o."

Mẹ wọ ofon, ọvaar Eglon oben akhaan-nong pẹ bi, "Bọng nang man ọphaangi!" Mando kwa bẹ abin afona.

²⁰ Mando kw'Ehud oreng okhebha Eglon kẹ da owobh ewor mancheni k'enyoohng ch'evaarttōhmma chẹ, oben bi, "Kaam dim ẹkkaabha ch'Ibinokpaabyi bi, nchen-ọ e." Mada ọvaarnong obin kẹ da owobh ewor,

²¹ mando kw'Ehud otzim kwabohk kwẹ otzor ọkkangkkaang kw'okpa k'ogbok. Otzim-ẹ okhum ọvaarnong k'ebhōhr.

²² Kaambi da ọkkangkkaang ttara ibokh-obohk sẹ anwẹ-ẹ k'ebhōhr maa, abhori pẹ ayin k'iyaan wọ, wa Ehud ọkkangkkaang nwa k'orobh, mando kw'iyaak ibubh ọkkangkkaang nwa.

²³ Wa Ehud orenga oyin k'iyaan, ọtzökha amma p'emaanggọ ch'enyoohng ọgbak.

²⁴ Mada Ehud okk'orenga ofona, atzohmnong p'ọvaarnong avura atza are bi amma p'emaanggọ ch'enyoohng akk'agbakha, bẹ an-aben bi "Okheri maana ọtza k'epannam k'emaanggọ ch'evaarttōhmma ẹtzaanga e."

25 Wa bę awobha atzik maa, eden ebhir. Yina, ọvaarnong amma pa mmaanggọ kokwung. Bę atzokha ọgbokhoro akwunga amma. Wa bę an-are da itta kwabę okabletta m'ibhokhi, ope.

26 K'ogbe kwa bę am-awobha mę atzik, Ehud ọrobh ofona. Wa oreng k'okhubha kw'agbatza pa bę agwa k'otza, ọrobh ochina ka Seira.

27 Mada opyiri kę, ogyi obukpohng k'okhubha kwa mgbegbeho s'Ephraim. Wa Ehud otzima anong p'Israeł eden, p'areng ahakha k'okhubha kwa mgbegbeho.

28 Iwa oben bę bi, "Bọng dọn-m abę, kkeri Ovaar Ibinokpaabyi okk'anong pa Moab p'ade attattaanga-nong pabọng, ọtzokha okhe bọng ka mbok." Mando kw'iwa bę atzon-ę abę akhakha atza atzokha okhubha kw'asi agbinogbin k'Oraanga kwa Jordaan kw'ochin ka Moab. Bę ọnong manda wani ọbok katte ojekha.

29 Wa m'ogbe nwuma, bę afhu anong pa Moab p'apyiri nnohna ẹrobh obhiri nzen. Wa akkengigitza biphyir ọmaana afanong biphyir, ọnong kw'orobhi ọnaanga kode.

30 M'ewu nduma, wa anong pa Moab anawobha k'irekhirek kw'efä ch'anong p'Israeł. Wa ekhoma ch'Israeł ewobha k'emem ka cho arobh anna.

Shamgar ode osi-aponga kw'Israeł

31 Mada ogbe kw'Ehud okabletta, Shamgar kw'ode nnwa kw'Anat, obiro ode ọnong kw'otzim ọbhaam-kkohbhi ofhu anong pa Philistiya p'apyiri ẹnohma obhiri arobh jobh. Wa kę Shamgar obiro okableana anong p'Israeł.

4

Debora ode osi-aponga kw'Israël

¹ K'ogbe kw'Ehud ọkk'opa, wa anong p'Israël abira asi ebibya k'itzitzikha s'Ovaar Ibinokpaabyi.

² Mẹ wọ ofon, wa Ovaar Ibinokpaabyi otte bẹ ọboghk ọnang Jabin, kw'ode ọvaarnong kw'ekhomá cha Kenaan, ọdabh ọvaar ka Hazor. Wa Sisera ode oho kw'arim-egbong pẹ, oruk ka Haroshet-Hagoyim.

³ Da iwa kẹ ọkhaam akpaar pa nnyanyaang mmindor pa bẹ atzim akkonga asi, nnohna mfa obhiri arøbh azen, p'okk'otzima osi anong p'Israël ọgbaan ka cho ेrøbh. Wa anong p'Israël abhom aror ẹkkaana k'Ovaar Ibinokpaabyi.

⁴ M'ogbe nwa, wa Debora kw'ode osi-ejaakhi, obiro ode kwanong kwa Lapidot wọ om-osi aponga p'anong p'Israël.

⁵ Wa om-owobha k'Oji kwa Debora kw'obe k'ottem kwa Rama ọmaana Bétel, k'okhubha kwa mgbegbeho s'Ephraim osi aponga. Wa anong p'Israël biphyir am-atza akhebh-ẹ kẹ bi, osi aponga pabé.

⁶ Wa ọtzohm bẹ ayeri Barak kw'ode nnwa kw'Abinoam kw'ofon Kadesh k'ekhomá cha Naphtali, oben-ẹ bi, "Ovaar Ibinokpaabyi, kw'ode Ibinokpaabyi kw'Israël ọnang-o ẹfa bi: 'Rohng ka Naphtali ọmaana ka Zebulun, atza atzokha ajinong nnohna ेrøbh obhiri azen, atzima bẹ eden bong avura k'egbegbeho cha Tabor.

⁷ Kaam ńdima Sisera kw'ode oho kw'arim-egbong pa Jabin eden, ọmaana akpaar pẹ pa nnyanyaang mmindor, ttara arim-egbong pẹ

ńchina k'Qraanga kwa Kishọn, ndokha bę ńgo-ọ ka mböhk.'"

8 Mę wę ofon, Barak oben-e bi, "Idikha kę atzön-m abę, kaam ńda-otza; yina, idikha an'aam abę atzoni, kaam kında."

9 Debora obhina bi, "K'odik-ókka, kaam ndon-o abę ńtzon-e. Yina, okhuri eden ch'am-asi m'odik nwa, echora kakhaama e, da Qvaar Ibinökpaabyi ótte Sisera ńböhk otte kwanong, okhem-e e."

10 Mando kwa Barak otzobh ajinong pa Zebulun ńmaana pa Naphtali, anong nnohna ńrobh obhiri azen p'awobh k'irekhirek kw'efa che. Wa Debora ńtzon-e abę.

11 M'ogbe nwa, wa Heber kw'ofon Ken okk'obina oji ayok-afonava pa Ken, p'ade va pa va pa Hobab kw'iwa ode ńyę kwa Mosęs, ńtza ottima ikhira sę k'irekhirek kw'echi ch'ideden ka Zaananim ńbaanga Kadęsh.

12 K'ogbe kwa bę an-agbaakhi Sisera bi, Barak kw'ode nnwa kw'Abinoam okk'egbegbeho cha Tabor ovura,

13 Sisera ńtzökha ajinong pę biphyir okwu ottara k'akpaar pę pa nnyanyaang mmindor pa bę atzim akkonga asi, nnohna mfa obhiri aröbh azen otzobha. Ttewor ka Haroshet-Hagoyim maa, atza apyiri k'Qraanga kwa Kishòn.

14 Mando kwa Debora obeni Barak bi, "Kę rohng! Kkeri, k'ewu cha mayina, Qvaar Ibinökpaabyi okk'Sisera ńtzökha okhe ka mböhk sa kę Barak. Qvaar Ibinökpaabyi okk'ę abę atzona e" Wa Barak otzima ajinong nnohna ńrobh obhiri azen p'atzon-e abę, ovura k'egbegbeho cha Tabor.

15 Mada Barak oreng okwu, Ovaar Ibinokpaabyi orenga k'okkangkaang kwa Barak okhubh Sisera, ọmaana akpaar pẹ pa nnyanyaang mmindor biphir ttara arim-egbong pẹ maa, Sisera ọhakha k'okpaar kwẹ kwa nnyanyaang mmindor, on-otzima mmo ọrobh.

16 Iwa Barak okhubh akpaar mba pa nnyanyaang mmindor ọmaana arim-egbong maa, opyiri ka Haroshet-Hagoyim. Arim-egbong pa Sisera biphir ape k'okkangkaang, ojinong manda wani korikhi.

17 Wa Sisera otzima mmo ọrobh maa, ọtza opyiri k'ikhira sa Jayel, kw'ode kwanong kwa Heber kw'ofon Ken, okhuri da iwa Jabin kw'ode ovaarnong kwa Hazor ọmaana ehoodmmor cha Heber kw'ofon Ken akhaam echechhi ch'emem.

18 Iwa Jayel oyin k'iyaan ọtza okhebha Sisera oben-ẹ bi, "Itta kwaam kwu, dim k'etzaanga. Tte oning-ọ ojor." Mando kw'odimi k'ikhira sa Jayel, Jayel ọtzokha enohmma-kpa obubh-ẹ.

19 Sisera on-oben bi, "Edohngi ekk'aam egwa e. Tzotzokhaan, nang-m asi ngwo." Mando kwa Jayel ogwong ekpa ch'abasi cha be atzim etzenkpa asi, okhaabha ọnang-ẹ ogwo obiro obubh-ẹ.

20 Sisera oben Jayel bi, "Ko be m'ekhiramma. Ọnong manda wani okwu ọbọbh-ọ s'ọnong owobh ma, bhin-ẹ bi, 'Mma o.' "

21 Yina, wa Jayel kw'ode kwanong kwa Heber otzini obhin wani kw'ikhira ọmaana etzabohk, ọbekhi ọtza okhebha Sisera ke da ọkk'ẹ ọkhohna oyima ottaabha. Okhum-ẹ obhin nwuma k'ohobem ọmaana k'irek, ope.

22 Mẹ ębaa mẹ, Barak kw'om-okhubh Sisera opyiri. Mando kwa Jayel oyini k'iyaan ọtza okhebh-ę, oben bi, "Kwu e, kaam ńdibh-ó ọnong kw'am-aror otzibh e." Mando kwa Barak ọtzon-ę abe odim k'ikhira, ọtza ore da Sisera on-oyim obukhi kę ttara obhin kw'okhum-ę k'ohobem.

23 M'ewu nduma, anqong p'Israël are odem kw'Ibinokpaabyi okhem ọvaar Jabin kwa Kenaan.

24 Mando kw'anqong p'Israël achin ororo agaangi ayohnga ọvaar Jabin kwa Kenaan maa, bę adim-ę.

5

Emong ch'ekhema cha Debora ọmaana Barak akkohni

1 Mada egbong ęha m'ewu nduma, Debora ọmaana Barak kw'ode nnwa kw'Abinoam akkohni emong nda:

2 "K'ogbe kw'adeho ade atzim-eden k'Israël,
k'ogbe kw'anqong atte for sabę ọbōhk anang
k'egbong,
anqong anang Ọvaar Ibinokpaabyi etzohnga!

3 "Avaar o, bọng maanga odik nwa e!

Adabh o, bọng yonga itzohng e!
Kaam e, kaam-ókhaam wọ ńkkohn emong nnang
Ọvaar Ibinokpaabyi;

Kaam ńdimá ọkkohna ndohnga Ọvaar Ib-inokpaabyi, kw'ode Ibinokpaabyi kw'Israël.

4 "O Ọvaar Ibinokpaabyi, mada abin ka mgbegbeho
sa Seir,
mada abin k'ekhoma ch'Edom,

irerek inyengi, ɔrɔŋkpakpa otzebh asi,
eboni ebire etzebh asi.

⁵ Mgbegbeho nnyengi k'itzitzikha s'Qvaar Ib-inokpaabyi, kaambi cha Sinai do, enyengi k'itzitzikha s'Qvaar Ibinokpaabyi, kw'ode Ibinokpaabyi kw'Israël.

⁶ "K'ogbe kwa Shamgar kw'ode nnwa kw'Anat, omaana k'ogbe kwa Jayel, wa anong arenga dök kamatza; wa anong an-am-atza arenga ka ngɔbhakhobha-den.

⁷ Akkakkaama k'Israël dök kade maa, kaam Debora ndökha efa, nkkeri anong p'Israël macha ɔkka okkeri va.

⁸ Ibinokpaabyi otzek adeho abhape, k'ogbe kw'egbong epyiri ka mbaakhamma s'odedenmon, ɔkhohnkpa manda wani kaambi ɔkhohn f'onong ore ka chen vɔ, kode, k'ottem kw'arim-egbong nnɔhna arobh azen k'Israël.

⁹ Ettem chaam ewobh ttara adeho p'Israël, ewobh ttara anong p'akher bi, atte for sabẹ obohk k'ottem kw'anong p'Israël.
Etzohnga ewobha ɛnang Qvaar Ibinokpaabyi!

¹⁰ "Bɔbɔng p'ayaari k'anyanyaang-wuri, bɔbɔng p'awobh ewor ka nnɔhmakpa nkkakkase, ttara ayok p'areng ka mmo, bɔng chibhi odik
¹¹ okhuri emɔng ch'akkohni-emɔng akkohni ka nsipe.

Bẹ agbaakhi ngema s'Qvaar Ibinokpaabyi,
 bẹ agbaak ngema sa ndor-otzor s'anong pẹ¹²
 p'ibhon s'Israël.

"Anong p'Qvaar Ibinokpaabyi,
 abin ahakha ka mbaakhamma s'odedenmon,
 aben bi,

12 'Bina k'erong, bina k'erong, Debora!
 Bina k'erong, bina k'erong, atzima man
 akkohn emong ch'ekhemā!

Barak, bina k'erong!
 atzokha attattaanga-nong pọ p'abok k'emmorì,
 o nnwa kwa Abinoam.'

13 "Adeho p'arikhì ahakha akwu;
 anong p'Qvaar Ibinokpaabyi ahakha akwu
 akhebh-m bi, mọtza orima afanong abe.

14 Ayok bani afon k'ekhomà ch'Ephraim,
 p'immaanabe sabé ide Amalek;
 anong pa Benjamin awobha k'ottem kw'anong
 p'atzon-ọ abe.

Adeho p'arim-egbong afona ka Makir,
 anong p'atzim ẹvaar-chi ch'odeho kw'arim-
 egbong afona ka Zebulun.

15 Wa adeho p'Isaaka awobha ttara Debora;
 k'odik-okka Isaaka owobh ttara Barak,
 kw'odeho kwé ọtzohmi akhubh-ẹ apyiri
 k'ittolim.

Yina, ka ngoma sa Reuben achibhi ahaabhi bẹ¹⁶
 kpóng.

16 Bóng asi yan awobha k'ottem kw'avu-kwuri bi,
 bóng abhaanga eyeri ch'arukhimaan?
 ka ngoma sa Reuben achibhi ahaabhi bẹ kpóng.

17 Anongan pa Gilead awobh ka Jordaan okhubha.

Anongan pa Dan asi yan awobha k'oraanga
okhaan-okhaan o?

Anongan p'Asher akpong k'eraangamma,
awobha ka be k'ekha.

18 Anongan pa Zebulun akhe akpen pabé ka dama-dama;

mando kw'anongan p'ekhomma cha Naphtali
abira akhe akpen pabé ka dama-dama, ka
mgbongdam.

19 “Avaar akwu arima erima,

avaar pa Kenaan arima erima;

abaanga ngekha sa Megido, ka Taanak,
yina, be silva manda wani katzök.

20 Ndodori nwobh k'orongkpakpa nnima erima,
odem nwa kwa se nneng k'orongkpakpa,
se nnima Sisera abé.

21 Ebhobh ch'oraanga kwa Kishon echori be etzima
efona,

ebukhaya ch'oraanga kwa Kishon ebubha be,
echori be biphyir-phyir etzima efona.

Ogbagba kwaam o, china ororo agaangi for!

22 Ndokhi sa nnyanyaang nnimi irerek,

nnanyaang sa Sisera s'efa ndukha-odukha.

23 Oreng-eden kw'Ovaar Ibinokpaabyi oben bi,
'Opyibh-opyibh onang Meroz.'

'Opyibh-opyibh onang anongan pa Meroz
itzama-itzama,

okhuri da iwa be ani Ovaar Ibinokpaabyi attar
arima abaSisera abé,

bé Ovaar Ibinokpaabyi kattar arima attattaan-ganqong p'efa abé.'

- 24 "Echora cha Jayel ébari eyohnga ch'ayokhipanqong,
 Jayel kw'ode kwanqong kwa Heber kw'ofon Ken,
 echora che ébari eyohnga cha panqong mach'e,
 p'abira aruk k'okhira.
- 25 Siséra ophyem-é asi, Jayel ounang-é abasi;
 otzima ogwasi kw'avaar ounang-é abasi
 p'akk'amaanga.
- 26 Jayel onemi obóhk otzókha obhing,
 otzima odimbóhk otzini otzóhmttóhk
 mach'etzbóhk,
 otzima okhum Siséra, otzukh-é echo,
 ommun-é k'ohobem, otzukh-é *bi biribiri*.
- 27 Siséra obikhi otto,
 oyima Jayel ma ndókhi;
 otto oyima Jayel ma ndókhi;
 okponga mè da otto ope.
- 28 "Okka kwa Siséra orenga k'ophapha-mma
 omyinga,
 owobha k'ophapha-mma nnam-annam obhom;
 'Okhuri yan kw'ókpaa kwé kwa nnyanyaang
 mmindor okpeni okhukhuna manda o?
 Abirikum p'akpaar pè pa nnyanyaang mmin-
 dor an-akpeni yan ma o?"
- 29 Oyokh-omina wani kwé kw'orong atzim obhin-
 é bi,
 k'odik-ókka, om-obiro oben for sè bi,

30 'Nne bi, bẹ am-atzokha ekpo am-abira achi
ogbom e,
ajinong am-atzok panong kẹ e,
bẹ am-achi ogbom f'anohma-baba ọkkakka anang
Sisera,
anohma-baba akkakka afa,
idik nna biphyir ide ogbom.'

31 "O Qvaar Ibinokpaabyi, tte attattaanganong pọ
biphyir adimi!
Yina, tte anong p'adaakhi amaani
mach'ekpekhira,
k'ogbe kwa chẹ eyini ttara ẹfa."
Mando kw'iwa erekhomaa nda ekhaam odidiri ka
cho arøbh afa.

6

Anong pa Midian ahokhi anong p'Israël k'ihem

¹ Iwa anong p'Israël abira asi itzama k'itzitzikha s'Qvaar Ibinokpaabyi, Ibinokpaabyi otte bẹ ọbohk ọnang anong p'ekhomaa cha Midian, ka cho azenamfa.

² Da iwa anong pa Midian akhaam ẹfa ayohnga anong p'Israël, anong p'Israël afona atza asi orukhabe fabẹ ka mgbegbeho ebira, omaana k'atzakpamma ttara k'ochubhabe.

³ Ogbe kpenamkpen kw'anong p'Israël ayaabh iwoni sabẹ, anong p'ekhomaa cha Midian, omaana ch'Amalek ttara anong pa ngoma s'irukhi k'okhubha kw'ewuchen em-eyin, am-afona atza arima anong p'Israël abe.

⁴ Anong mba am-abhing mè bẹ akhibhi iwoni maa, apyiri Gaza bẹ anong p'Israël otzirattóhk

manda vani f'ode orukhimaan, obiro ode ẹbhaam ttara ẹnyanyaang, karikhi.

⁵ Wa bẹ abin ttara etzirakpo pyabẹ, omaana okhira fabẹ mach'ohaabh f'agwuribhebhe. Wa bẹ ajinong ọmaana akamel pabẹ kafha abhik; bẹ abokha ẹkhoma nda bẹ abira akhibhi ottóhk kpenamkpen.

⁶ Anong p'ekhoma cha Midian ahok anong p'Israël k'ihem s'okwo maa, anong p'Israël abhom ẹkkaana anang Ovaar Ibinokpaabyi.

⁷ K'ogbe kw'anong p'Israël abhom i ẹkkaana anang Ovaar Ibinokpaabyi, okhuri k'ihem s'anong pa Midian ahokhi bẹ,

⁸ ọtzohm osejaakhi ọnang bẹ, kw'obeni bi, "Ma wo ode odik kw'Ovaar Ibinokpaabyi, kw'ode Ibinokpaabyi kw'Israël obeni bi: kaam ndim bong mbina k'Ijip k'ekhoma nduma cha bong awobh k'ihem.

⁹ Kaam nnobh bong ka mbóhk s'anong p'Ijip, ọmaana ka mbóhk s'anong biphyir p'ahokhi bong k'ihem, ngwubh bẹ k'itzitzikha sabong, mbiri ndókha irerek sabẹ nnang bong.

¹⁰ Mben bong bi, 'Kaam wo nde Ovaar Ibinokpaabyi, kw'ode Ibinokpaabyi kwabong; bong ikha s'anong p'Amor pa bong arukhi k'irerek sabẹ kàkpobha.' Yina, bong itzohng kayong anang-m."

¹¹ Iwa ewu dani, oreng-eden kw'Ovaar Ibinokpaabyi ofona kẹ okwu k'obhon kw'Ophra, otza owobha ewor k'irekhirek kw'echi ch'ideden cha oak ch'ede echi cha Joash kw'ofon Abiez, kẹ da nnwa kwẹ Gideon owobh om-okhok abokpa, k'ibe sa bẹ am-amayana achiduk, ifha anong pa Midian aningi bẹ are.

12 Mada oreng-eden kw'Ovaar Ibinokpaabyi oyini Gideon abe, oben bi, “Ovaar Ibinokpaabyi owobh kę ttar-o, kọ orim-egbong kw'ideden.”

13 Yina, Gideon obhina bi, “Idikha Ovaar Ibinokpaabyi owobh kę ttara man, okhuri yan kw'idik nna biphyir itto ikhebha man o? Ikkokkoni-dik sę biphyir ki s'ab'otte paman am-agbaak man okhuri kę, aben bi, ‘Wa Ovaar Ibinokpaabyi man kotzim obina k'Ijip o?’ Yina, madeden Ovaar Ibinokpaabyi okk'nnam ọkpa ọbora man, obiro ọtzokha man okhe ka mboghk s'anong pa Midyan.”

14 Ovaar Ibinokpaabyi ọbhakhi okker-ę, oben bi, “Kọ tzima efa ch'akhaam arōhng atza akkaana anong p'Israēl, ka mboghk s'anong pa Midyan. Kaam ọkhaam ma for saam wọ ndohm-o.”

15 Yina, Gideon ọbogh bi, “Itta, yan kwa kaam mfha nkkaana anong p'Israēl o? Efonamma chaam dọ ekhar ọtzam k'ekhomma cha Manase. Kaam wọ mbiri ngara ọtzam k'ehohmmor ch'otte kwaam.”

16 Ovaar Ibinokpaabyi obhina bi, “Kaam nwobha ttar-o, kọ ábira afhu anong pa Midyan biphyir-phiyir maana afhu ọnong wani.”

17 Gideon on-obhina bi, “Idikha madeden kaam nkk'ophyaam ndokha k'itzitzikha sọ, kọ si ejakhi anang-m ifha nnonga bi, k'odik-ókka kọ wọ am-agbaakh-m atzim.

18 Tzotzokhaan, kọ kafona maa, kaam mkpa nnam ttara ẹnanga chaam, nkwu nji chẹ m'itzitzikha sọ.”

Mẹ wọ, Ovaar Ibinokpaabyi Ọben bi, “Kaam nwobha-owobha ndik maa, akhuna.”

19 Mando kwa Gideon ofon otza otzokha ovunwa ofhu otzima osi ɔchattohk, obiro otzokha abubuma k'ogbanggbang otzima osi bred kwa be ani yist akhe. Otzokha ɔchattohk mva f'okhe k'ikhiriba, ɔmaana etzen nda ch'ewobh k'irohkha otzima otza ober-e m'echirin cha oak.

20 Oreng-eden kw'Ibinokpaabyi oben-e bi, "Tzini etzen nda ɔmaana bред nwa kwa be ani yist akhe, anana pye m'itzakpa nna, ayaanga ęböhnga nda me." Wa Gideon osi mando.

21 Oreng-eden kw'Ovaar Ibinokpaabyi otzima ironemma s'ochikhura kw'otzim k'obohk kwe, ɔttohmi etzen nda ɔmaana bред nwa kwa be ani yist akhe. Ekpon eyin m'etzakpa nda echetzen nda ɔmaana bред. Mando kw'oreng-eden kw'Ovaar Ibinokpaabyi ɔdakhi odimi.

22 Mada Gideon on-orong bi, oreng-eden kw'Ovaar Ibinokpaabyi wɔ, ɔkpébh oben bi, "O Ovaar Ibinokpaabyi kw'oyohng! Kaam nkk'orengaden kw'Ovaar Ibinokpaabyi, itzitzikha ttara itzitzikha nna!"

23 Yina, Ovaar Ibinokpaabyi oben-e bi, "Odidiri owobha ttar-ɔ! Oning-ɔ ojor, Kọ kápe."

24 Mè wɔ ofon, Gideon osi ijafohnibe mè, onang Ovaar Ibinokpaabyi, oyeri se Ovaar Ibinokpaabyi wo ode emem. Ma pyiri k'ewu cha mayina ijafohnibe nna, ibe k'obhon kw'Ophra k'ekhomà ch'Abiez.

25 M'erungiwu nduma dani Ovaar Ibinokpaabyi oben Gideon bi, "Tzokha ębhaam-dim ch'ekhaam efa ch'ettong mfa k'etzirakpo py'atte, ch'ede cho azenamfa. Atzima anyuni ijafohnibe nna

s'atte om-owobha okpobha Baal abira akpaara mkpommachi s'Ashera sa mbe k'ebhabhaanga che.

²⁶ Asi ijafohnibe ikkakkasę k'egbegbeho ebira ttara atza, anang kaam Ọvaar Ibinokpaabyi, kwa nde Ibinokpaabyi kwọ. Tzima mkpommachi nna s'Ashera s'akpaar, omaana ębhaam-dim nda ch'ettong mfa asi ejafohni ékwoṁichę.”

²⁷ Mando wọ kwa Gideon otzok atzohmnong pẹ jobh, ofona otza osi mach'Ọvaar Ibinokpaabyi ọgbaakh-e. Yina, okhuri ojora f'okhaam omaana anong pẹ ttara f'ajinong p'obhon kw'Ophra, osi ijafohnibe nna k'erungi, kw'ira osi se k'ęya.

²⁸ K'ekpebha mada ajinong p'obhon nwa aphyobh, bę an-are bi, ijafohnibe sa Baal ikk'ikhibhi, ekpommachi ch'Ashera ch'ebe m'ebhabhaanga ebire ekpaara, bę abira atzima ębhaam-dim nda ch'ettong mfa asi ejafohni, m'ijafohnibę nna ibhasę.

²⁹ Bę abhakhi abobh ayok bi, “Anyi wọ osi odik nwa?”

Mada bę atzok ogbe adọn kwę, bę agbaak bę bi, “Gideon kw'ode nnwa kwa Joash wọ osi kwę.”

³⁰ Mando wọ kw'ajinong p'obhon nwa afon atza aben Joash bi, “Tzima nnwa kwọ kw'ijinong ayin ka. Kę ọkhaambi ope, okhuri bi, kę okk'ijafohnibe sa Baal ọvohkhi obiro ọkpaara ekpommachi ch'Ashera ch'ebe ebaanga se.”

³¹ Yina, Joash obhina ọnongęya haabha nwa kw'ettem ekk'epyibha kw'okhor-e okhe k'ottem bi, “Na bong arima erima nda k'eho cha Baal o? Bong am-akhong bi, akkaan-e? Önong manda wani kw'orim erima k'eho cha Baal bę akhaambi

afhé-e k'ekpebha! Idikha Baal ɔkhaam efa k'odik-ɔkka, tte orima erima cha for sẹ k'ogbe kw'ọnong ɔvohkhi ijafohnibe sẹ.”

³² Mẹ wọ ofon m'ewu nduma bẹ an-ayeri Gideon “Jerub-Baal,” aben bi, “Tte Baal orima erima ttar-e,” okhuri da ɔvohkhi ijafohnibe sa Baal.

³³ M'ogbe nwa, wa ékhomá cha Midyan, omaana ch'Amalék ttara ngoma ndodok s'irukhi k'okhubha kw'ewuchen em-eyin, bẹ abhuna efa njekha ɔraanga kwa Jordán nda mming ka ittolim sa Jezrél.

³⁴ Mando kw'egwugwuma ch'Qvaar Ibinókpaaabyi ehler ẹnwa Gideon, ogyi obukpohng otzima oyeri anóng p'Abiez bi, bẹ atzón-e abẹ.

³⁵ Qtzohm akkaabh-nkkaabha k'ékhomá cha Manasé biphyir bi, bẹ atzima egbongkpo akwu, obiro qtzohm ochena ékhomá ch'Asher, omaana cha Zebulun ttara cha Naphtali, ifha bẹ-bẹ dök abira avura akhebha bẹ kẹ.

³⁶ Gideon e, oben Qvaar Ibinókpaaabyi bi, “Idikha ọdaakh-ọ bi, arenga ka kaam ka mbóhk akkaana anóng p'Israél mach'akk'achekhi,

³⁷ kkere e, kaam ndókha ngwugwuma nnana m'ibe sa bẹ am-awobha agwuma abókpamóma. Idikha abonisi atzebhi ma ngwugwuma nna sẹ-sẹ bẹ k'irerek katzebhi, mẹ wọ kwa kaam ndíma nnonga bi, kọ arenga-orenga ka mbóhk saam akkaana anóng p'Israél, mach'agbaakhi.”

³⁸ Manda wọ kwa kwé ode. Gideon ophyóbhá k'ekpekpebha k'ewu ch'ékhabh; ọmyana ngwugwuma nnuna asi ayin p'affu ogbobhi-mbóhk.

³⁹ Mẹ wọ e, Gideon oben Ibinókpaaabyi bi, “Oning-ọ ọdókhi ttara kaam. Tte kaam mbiri

mphyem ogbe nwa wani. Tte-m ọbọhk m'ogbe nwa mbiri nsi eyoma ttara ngwugwuma nna. M'ogbe nwa, kọ si ngwugwuma nna ngwu, abonisi abubha irerek."

⁴⁰ M'erungiwu nduma, Ibinokpaabyi osi mando. Ngwugwuma sẹ-sẹ ngwu; abonisi abubha irerek biphyir.

7

Gideon okhem anong p'ekhoma cha Midyan

¹ Iwa k'ekpebhawu dani, Jerub-Baal (kw'ode Gideon) omaana ajinong pẹ biphyir abhing k'okhekhaho kwa Harod. Wa ibhingabe s'anong pa Midyan iwobh k'ebira-ebira kw'ittolim s'ibaang egbegbeho cha More.

² Ovaar Ibinokpaabyi oben Gideon bi, "Ajinong p'akhaam ahaabhi kpóng bi, kaam ndókha anong pa Midyan nge bẹ ka mbóhk. Oni mando ode, anong p'Israél an-asi ẹmma bi, 'Efa chaman ekk'man ekkaana e.'

³ Na si ejaaahi anang arim-egbong bi, 'Tte ọnong kpenamkpen kw'ojor-ẹ ojora obina k'egbegbeho cha Gilead ọkpa nnam.' " Mando kw'ajinong nnóhna aróbh afa obhiri chi, akpa nnam abhana, on-omunga ajinong nnóhna ẹróbh obhiri nzen.

⁴ Yina, Ovaar Ibinokpaabyi oben Gideon bi, "Ajinong mba atzima ahaabhi kpóng e. Tzima bẹ ahakha k'ekhekha, ifha nyoma bẹ nnang-ọ. Idikha mbeni bi, 'Oyok nwa wọ ótzon-ọ abẹ, ' kẹ wọ ótzon-ọ abẹ; yina, idikha mbeni bi, 'Oyok nwa kọ abẹ kótzon,' kọ abẹ kótzon."

5 Mando kwa Gideon otzim ajinong mba ɔhakha k'ekhekha. Mę wọ kw'Ovaar Ibinokpaabyi oben-ę bi, "K'ottem kw'anong p'attim ndudungi agwo asi, kọ tzekha anong p'atzim ędaak agberi asi, mach'epfa ettaakhi asi."

6 Wa ajinong aröbh chi bọ atzim mböhk akhaabha asi agwo. Ajinong mbonggo biphyir attima ndudungi agwo.

7 Ovaar Ibinokpaabyi oben Gideon bi, "Ajinong mbuma aröbh chi p'atzim mböhk akhaabha asi agwo, bọ pa kaam ñnenga mę ñkkaan-ọ, mbiri ndökha anong pa Midian íge bong ka mböhk. Tte ajinong mbonggo biphyir akpa nnam, ọnong-ọnong k'ikhira sę."

8 Mando wọ kwa Gideon ọtzohmi anong mbonggo biphyir p'Israël bẹ akpa nnam k'okhira fabę, yina, wa ohok ajinong mba aröbh chi, p'atzök agbere omaana abukpöhng p'anong mbonggo p'afon-ofona.

M'ogbe nwa wa ibhingabe s'anong pa Midian iwobh k'ittolim, k'irekhirek kwa Gideon.

9 M'erungi nduma Ovaar Ibinokpaabyi oben Gideon bi, "Bina ahakha atza arima anong pa Midian abẹ k'ibhingabe sabę, okhuri bi, kaam ñdökha bẹ ọtzökha ngo-ọ ka mböhk.

10 Idikha ojora ọso-ọ bi, atza arima bẹ abẹ, hakha k'ibhingabe ttara ọtzohmnong kwọ Pura,

11 ayonga itzohng abhaanga odik kwa bẹ am-agbaak. Mę wọ kw'abar ettem bi, atza arima anong mba abẹ k'ibhingabe sabę." Mę wọ e, kẹ omaana ọtzohmnong kwẹ Pura ahakha k'iyaan s'ibhingabe.

¹² Ode ch'anong p'ekhomma cha Midiyana, ọmaana anong p'ekhomma ch'Amalek ttara anong pa ngoma sa nnukhi k'okhubha kwa ewuchen emeyin akk'azobha k'ohaab mach'agwuribhebhe k'ittolim. Akamel pabé abira ahaabha mach'oyeyeng kw'oraanga kw'ọnong oni ovobhik.

¹³ Mando kwa Gideon otzor-otzor ọtza opyiri m'ogbe nwuma kw'ojinong wani ọm-ogbaak oyok idachen s'ottaar bi, "Kaam nttaar idachen, nne da brèd kw'ode iriring kwa bẹ atzim barli asi, om-otto ogina maa, odim k'ibhingabe s'anong pa Midiana. Otzima efa nduma ọtza ọtzohbh k'ikhira, ihobhi itto ikhubha."

¹⁴ Mẹ wọ ofon, oyok-odikkobh kwẹ obhina bi, "Odem ọdodòk kode, oyongi bi, ọkkangkaang kwa Gideon kw'ode nnwa kwa Joash, kw'ofon Israël wọ e. Ibinokpaabyi okk'anong pa Midiana, ọmaana ibhingabe sabé biphyir ọtzokha ọkhe-ẹ ka mbóhk."

¹⁵ K'ogbe kwa Gideon ọbhaang idachen nna ttara ejakhi che, ọrakha ọnang Ibinokpaabyi ikpokpobha. Ọkpa nnam ọbhana k'ibhingabe s'anong p'Israël, oben bẹ bi, "Bọng bina e! Kkeri Qvaar Ibinokpaabyi okk'anong pa Midiana, ọmaana ibhingabe sabé ọtzokha okhe bọng ka mbóhk e."

¹⁶ Obhaangi ajinong mba aròbh chi ka ngaan nttaan, ọtzokha abukpohng, ọmaana agbere p'ottóhk on-ode okhe bẹ biphyir ka mbóhk, ttara okhebh f'oyeni k'agbere mba ẹtzaanga.

¹⁷ Oben bẹ bi, "Bọng kker-m mo o, bọng dorm ma ndókhi. Mada mpyiri m'ibhingabe ọkhaan-

ókhaan, odik kpenamkpen kwa nsi, bong si mando.

¹⁸ Mada kaam ttara anong biphyir p'awobh ttar-m mogyi abukpohng paman, mando kwa bong biphyir p'awobh akhori ibhingabe, agyi abukpohng pabong abira awuri emong aben bi, 'Ekhema ede ch'Ovaar Ibinokpaabyi, omaana cha Gideon.' "

¹⁹ Mando kwa Gideon omaana ajinong arôbh azen p'awobh ttar-é atza apyiri k'ibhingabe s'anong mba ókhaan-ókhaan, k'ogbe kwa bê akk'akkeribe abhona. Bê agyi abukpohng pabé, abira avóhkhi agbere mbuma pa bê atzim ka mbóhk.

²⁰ Ngaan nna nttaan ngyi abukpohng mbiri mvóhkhi agbere. Ônong-ônong otzima ikhebh ka kwabóhk, omaana obukpohng k'odimbóhk, ônong-ônong owuri emong, oben bi, "Bong nima erima nda ttara akkangkaang pabong anang Ovaar Ibinokpaabyi ttara Gideon!"

²¹ Ojinong kpenamkpen obe k'ibe se, bê akhori ibhingabe nna, anong pa Midyan biphyir am-abhom arôbh.

²² Mada abukpohng mba arôbh chi agyi, Ovaar Ibinokpaabyi ògara ajinong pa Midyan biphyir bê abhakhi atzima akkangkaang pabé arima for sabé abé. Arim-egbong mba arôbh achina ka Bet-Shita da achin ka Zerera maa, atza apyiri k'enem cha Abel-Mehola oqaanga Tabat.

²³ Anong p'Israël p'afon k'ekhoma cha Naphtali, omaana ch'asher, omaana ekhoma cha Manasé biphyir ayin k'iyaan akhubh anong pa Midyan.

24 Wa Gideon ọtzohm akkaabhb-nkkaabha m'akhora obhon kw'egbegbeho kw'Ephraim, oben bi, “Bong hakha akwu arima anong pa Midian abe, bong abira akpa be eden k'Qraanga kwa Jordaan maa, apyiri ka Bet-Bara.”

Mando wø kw'ajinong p'ekhoma ch'Ephraim biphyir afon atza akpa be eden k'Qraanga kwa Jordaan maa, apyiri ka Bet-Bara.

25 Iwa be abira abokha adeho afa p'anong pa Midian, p'ade Oreb, omaana Zeeb. Be afhu Oreb k'itzakpa s'Oreb, be afhu Zeeb k'ibe sa be amamyana achiduk s'iwobh ka Zeeb. Wa be akhubh anong pa Midian be atzima echo ch'Oreb, omaana cha Zeeb achena Gideon, kw'owobh ka Jordaan okhaan-okhaan.

8

Zeba omaana Zalmuna

1 Iwa anong p'Ephraim abobh Gideon bi, “Osi yan asi man manda? Osi yan kw'ani man ayeri motzon-o abe ọtza orima anong pa Midian abe o?” Odokhi be itzama-itzama atzima atzor-e.

2 Yina, obhina be bi, “Mbong fa kaam nkk'nsa f'ode ebenga-mbohk ka fa bong akk'asa? Ichora sa bong asi k'iwonu sa grep s'Ephraim, k'ijibhi iyohnga ipha k'obungi s'owoni kwa grep kw'Abiezer o?

3 Ibinokpaabyi okk'Oreb, omaana Zeeb p'ade adeho p'anong pa Midian ọtzokha, okhe bong ka mbohk. Mbong fa kaam nsi ma f'obari oyohnga fa ko aso o?” Okhuri ebhina ch'onangi be, idodokhi sa be akhaam ttar-e ihakha.

⁴ Chibhi da Gideon ọmaana ajinọn pẹ arøbh chi ọkhohni bẹ, bẹ achina ororo akhubh anọn pa Midian maa, atza apyiri Jordan abira ajekha k'okhubha.

⁵ Wa oben anọn pa Suköt bi, “Bong nang arim-egbong paam brèd; kkeri okwo okk'bé ọkhaama, da kaam nchin ororo ngwubh Zeba ọmaana Zalmuna, p'ade avaarnọn pa Midian.”

⁶ Yina, akhaan-nọn pa Suköt aben bi, “Okhuri yan kwa mọnang arim-egbong pọ brèd, k'ogbe kw'ani Zeba ọmaana Zalmuna atzim abokha?”

⁷ Mè wo ofon, Gideon obhina bi, “Idikha ode mando, k'ogbe kw'Ovaar Ibinokpaabyi ọkk'aam Zeba, ọmaana Zalmuna ọkha ka mbøhk, kaam ndima afhodima ọmaana akkaangi p'ameni k'ibe s'anọn an-arukhi, njaakhi ayaara pabong k'abir-ibiri.”

⁸ Obina mè ochina ka Pèniyèl, ọtza ophyem odik nwuma wani. Yina, ajinọn p'obhon nwa abira anang bẹ ebhina nduma dani ch'ajinọn pa Suköt akk'ananga.

⁹ Mè wo ofon, oben ajinọn pa Pèniyèl bi, “Mada ngwuna ttara ekhema, n'gibhi ibe nna s'akker-obhon am-awobha akkeri obhon.”

¹⁰ Iwa Zeba ọmaana Zalmuna awobh ka Karkor ttara arim-egbong p'apyiri ajinọn nnøhna erobh obhiri chi obhiri mfa obhiri arøbh jobh. Wa arim-egbong biphyir p'arikhi ka ngoma s'okhubha kw'ewuchen em-eyin bọ mè; da arim-egbong nnøhna arøbh chi p'atzim akkangkaang akk'apa.

¹¹ Wa Gideon orenga k'okkadeden kw'akker-etzirakpo p'arukhi k'okhira k'okhubha

kw'ewuchen em-eyin ka Noba ọmaana ka Jogbeha, ọtza orima arim-egbong abe, k'ogbe kwa be ani chen ahokhi.

¹² Mando kwa Zeba, ọmaana Zalmuna p'ade avaar afa pa Midiyen, aròbhi. Yina, Gideon okhubh be maa, ọbokha be, obiro okhe arim-egbong p'anong mba biphyir k'ojoba.

¹³ Iwa Gideon kw'ode nnwa kwa Joash ofona ke da orim egbong orenga k'Okkadeden kwa Heres, okhuna.

¹⁴ Obokha odikkobh wani kw'ofon Sukot, ọdohne, odikkobh nwa e, ọkk'er che p'akhaannong pa Sukot anong aròbh attaan obhiri chi obhiri afa p'ade adedennong p'obhon nwa, ọnang-e.

¹⁵ Mando kwa Gideon ofon ọtza okhebha ajinong pa Sukot oben be bi, "Bong kkeri Zeba, ọmaana Zalmuna ma pa bong areng abe amalukh-m, aben bi, 'Zeba omaana Zalmuna kho o? Kayan kwa monang ajinong po p'okk'okhohna bred o?'"

¹⁶ Otzima adedennong p'obhon nwa osi ẹkhòhkhà ọnang anong pa Sukot, da otzim afhodima omaana akkaangi p'ameni k'ibe s'anong an-arukhi ọnang be ọmmamma.

¹⁷ Wa obiro ọvohkhi ibe s'akker-obhon amawobha akkeri obhon kwa Pèniyèl, obiro ofhu ajinong p'obhon nwa.

¹⁸ Me wo, ọbòbh Zeba, ọmaana Zalmuna bi, "Bong ajinong dema pa bong afhu ka Tabor?"

Ajinong mba abhina bi, "Ajinong mach'o e, kpenamkpen otzim ehhora ch'ovaar nnwa e."

¹⁹ Gideon obhina bi, "Ajinong mbuma ade vòkka paam e, be ade va p'iijnong p'òkka kwaam. Odem

nwa kw'Ovaar Ibinokpaabyi orukhi akpen, ira bong atte bę ɔbɔhk bę aruk akpen, kaam bong kimfhu."

²⁰ Obhakhi okkeri nnwa kwę Jeter kw'ókk'ókkori, oben-ę bi, "Fhu bę!" Yina, Jeter okkaangkkaang kwę kótzori, okhuri da ode odikkobh obiro ojor-ę ojora.

²¹ Mę wę e, Zeba, ọmaana Zalmuna an-aben bi, "Ko ọkhaam renga-mmo asi odik nwa. 'Ojinong bę arong-ę k'efa chę e.' " Mando kwa Gideon oreng ochina k'itzitzikha ofhu bę, ọtzokha edokhakpo pya bę atzim akhaara akamel pabę k'edohngi.

Ephod cha Gideon

²² Iwa anong p'Israël aben Gideon bi, "Na dabh man; ko ọmaana nnwa kwę kw'iijnong, ọmaana nnwa mmona kwę kw'iijnong, okhuri bi, ko akk'man akkaana arɔbha man ka mbɔhk s'anong pa Midyan."

²³ Yina, Gideon oben bę bi, "Kaam bong kind-abh, nnwa kwaam bong kobiro ɔdabh. Ọvaar Ibinokpaabyi wę ɔdabh bong."

²⁴ Obiro oben bi, "Kaam ngaam ephyema dani, nnori bi, ọnong-ọnong ọnang-m ottóhk f'itzöhng k'ekkema cha bong achi ɔgbom." (Iwa ode emmaana ch'anong p'Ishmayel bi, bę am-akhe ekpo py'itzöhng pya gol.)

²⁵ Bę abhina bi, "Ettem edulaam man bi, mɔnang-ɔ pyę." Mando kwa bę atzok ẹnɔhmakpa aruri, ọnong-ọnong ɔrɔbha ottóhk f'itzöhng ka ekkema chę ch'ɔgbom ɔbhari mę.

²⁶ Wa ędohbh ch'ekpo py'itzöhng mbya pya gol py'ɔbɔbhı bę, epyiri ashékél nnohna nna obhiri ेrɔbh obhiri nzen, arɔbh ędohbh ch'edokhakpo,

omaana ẹdohbh ch'ekpo py'edohngi ttara ch'ewura ch'avaarnong pa Midian, am-afora, akwu attara k'edohbh cha mgbakkohbh sa bé am-akhe akamej pabé k'edohngi.

²⁷ Wa Gideon otzima gol osi ephod, kw'otzok ohok k'Ophra kw'ode obhon kwé. Wa anong p'Israël biphyir an-asi azaaza-kpen atzima akpobha ephod nda, odik nwa on-ode ọyak ọnang Gideon ttara ẹhohmmor che.

Obo kwa Gideon

²⁸ Mé wó, wa anong pa Midian awobha k'irekhirek kw'anong p'Israël, bé ẹfa manda dani dok kafhasi. Anong p'Israël an-aruk k'odidiri ka cho aróbh afa, k'ogbe kwa Gideon orukhi akpen biphyir.

²⁹ Iwa Jerub-Baal kw'ode nnwa kwa Joash ọkpa nnam ọtza oruk k'obhon kwé.

³⁰ Wa kẹ ọkhaam panong k'ohaabh, ọkhaama va p'ijinong aróbh attaan obhiri jobh.

³¹ Okkora-kwanong kwé kw'orukhi ka Shekem obiro ọmmaan-e nnwa kw'ijinong, kw'okpen Abimélek.

³² Wa Gideon kw'ode nnwa kwa Joash ope da ọkk'otzama, bé anohng-e k'epekhubb ch'otte Joash k'Ophra k'obhon kw'Abiez.

³³ Mada Gideon ọkk'opa, anong p'Israël abira asi azaaza-kpen atza akpobha ikha sa Baal. Bé asi ọkha f'okpen Baal-Berit akpobha,

³⁴ anong p'Israël akpa nnam abora Ovaar Ibinokpaabyi, kw'ode Ibinokpaabyi kwabé kw'okk'bé ọkkaana ọróbha ka mbóhk s'attattaanganong pabé biphyir p'akhori bé.

35 Mę wọ e, wa bẹ օphyaam kabira asi anang ekhommɔr cha Jerub-Baal (kw'okpen Gideon) k'idik-jibhada s'okk'osa օnang anong p'Israël.

9

Achibhi-tzama p'Abimélek

1 Iwa Abimélek kw'ode nnwa kwa Jerub-Baal ofon օtza okhebha vokka p'okka ka Shékem, omaana ochi f'okka biphyir, oben bẹ bi,

2 “Bóbh ammaana pa Shékem biphyir bi, ‘Yan wọ ojibh bong abe: bi va aróbh attaan obhiri jobh biphyir pa Jerub-Baal adabh bong, omaana bi, oyok wani kẹ-kẹ օdabh bong?’ Bong jíma bi, kaam wọ nde izi sabong.”

3 Mada vokka atzok idik nna biphyir agbaak anong pa Shékem, anong mba akhera bi, bẹ atzon Abimélek abe, aben bi, “Kẹ wọ ode օgbaanókka kwaman e.”

4 Be atzokha ashékel pa silva aróbh attaan obhiri jobh k'ohohm kwa Baal-Berit anang-ẹ, Abimélek otzima bẹ օtzoekha akparaari-nong bani bi, bẹ ade akhaan-nong pẹ.

5 Ofona ochina k'ohohm kw'otte k'Ophra, օtza obe k'itzakpa rani ofhu votte pẹ anong aróbh attaan obhiri jobh, p'ade va pa Jerub-Baal. Yina, wa Jotam kw'ode okponga-nnam-nwa kwa Jerub-Baal, oróbh օtza ochubha.

6 Mando kw'anong pa Shékem biphyir, omaana anong pa Bet-Milo atza atzobha abaanga echí ch'ideden cha oak, k'otza kwa bẹ afhu ebebe ka Shékem, ifha bẹ asi Abimélek օvaarnong.

7 Mada bẹ agbaakhi Jotam odik nwa, ovura k'egbegbeho cha Gerizim ebir-ebir, ogwon bẹ,

oben bi, "Bọng yong-m itzohng, bọbọng anong pa Shékem, ifha Ibinokpaabyi oyonga bọng itzohng.

⁸ Wa ewu dani, nchi mfon bi, nda ndekha ọvaarnong kwabé. Sẹ mfona nda mben echí ch'oliv bi, 'De ọvaarnong kwaman.'

⁹ "Yina, echí ch'oliv ebhina bi, 'Ma, kaam nkwohbha ana paam oyiyin pa bẹ am-atzima anang ikha, omaana anongeya ikpokpobha, ifha nda ndabh ẹvaar cha nchi o?'

¹⁰ "Ayongi mẽ, nchi nna nda mben echí cha fig bi, 'Kwu de man ọvaarnong.'

¹¹ "Yina, echí cha fig ebhina bi, 'Ma kaam ntte achiduk paam p'ajibh-ojibh abira adaam-ọdaam ọbóhk, nkwu ndabh ẹvaar cha nchi o?'

¹² "Mando kwa nchi nna mbeni echí cha grep bi, 'Kwu de ọvaarnong kwaman.'

¹³ "Yina, echí cha grep ebhina bi, 'Ma, kaam nkwohbha atzuk daaman-daam paam, p'am-anang ikha omaana anongeya ọdadaami oyiyin, nkwu ndabh ẹvaar cha nchi o?'

¹⁴ "K'ekponga-nnam, nchi nna biphyir nda mben ọkkaangi bi, 'Kwu de man ọvaarnong.'

¹⁵ "Ọkkaangi oben nchi bi, 'Idikha k'odik-ọkka bọng arori bi, abyeng-m ana k'eho asi-m ọvaarnong kwabong, bọng kwu kwokha ọwöhng k'odiriji kwaam. Yina, oni mando ode, tte ekpon eyin k'okkaangi ẹkwomi ọbhomi-mancheni kwa Lebanon!'

¹⁶ "Bọng akk'abarada atzokha, abira asi odik kw'ojibh-ojibh bi, bọng asi Abimélék ọvaarnong o? Bọng akk'ejibha asa anang Jerub-Baal omaana ẹhohmmor ché e? Bọng akk'asa anang-é mach'oban bi, ira bọng aso o?

17 Bong jima bi, iwa otte kwaam orim erima kabong ka nho, okhe akpen pe ka dama-dama, ifha orobha bong k'ihem s'anong p'ekhoma cha Midian.

18 Yina, k'ewu cha mayina, bong akk'abhakhi arima ehohmmor ch'otte kwaam abe. Bong akk'va pe p'ijinong anong arobh attaan obhiri jobh afha k'itzakpa rani. Bong asi Abimelek kw'ode nnwa kw'obira kwanong kwę ɔvaarnong kw'anong pa Shekem, okhuri da ode ɔgbaanokka kwabong.

19 Me wę, bong akk'abarada ɔtzokha, abira asi odik kw'ojibh-ojibh bi, bong asi Abimelek ɔvaarnong o? Bong akk'ejibha asa anang Jerub-Baal omaana ehohmmor che mayina, tte Abimelek ode ottem-daamiji kwabong, bobong abira ade ottem-daamiji kwę!

20 Yina, bong ani mando atzima asi, tte ekpon ch'efon k'Abimelek echi bong anong pa Shekem, omaana anong pa Bet-Milo. Tte ekpon efona ka bobong anong pa Shekem omaana Bet-Milo, echi Abimelek!"

21 Mando kwa Jotam orobhi ochina k'obhon kwa Beer, ɔtza oruk ke okhuri ojora f'ɔgbaanotte, Abimelek.

22 Mada Abimelek okk'Israel ɔdabha ka cho attaan,

23 Ibinokpaabyi otte egwugwuma-tzama ɔbohk ęnwa Abimelek omaana ammaana pa Shekem, kw'osi be an-agangi echo anang Abimelek.

24 Wa Ibinokpaabyi osi kwę mando, ifha otzima otzukha odik kwa Abimelek omaana ammaana pa Shekem asi, p'atzor-e afhu va p'ijinong arobh

attaan obhiri jobh pa Jerub-Baal, abira abyengi izi sabé.

²⁵ Wá anóng pa Shékém an-abhakh-é abé, bę atzohm ajinóng p'afon atza achubha k'akkadeden pa mgbegbeho am-abókha anóng p'areng mę ekpo ana. Wa bę atzókha odik nwa agbaak Abimélek.

²⁶ M'ogbe nwa wa Gaal kw'ode nnwa kw'Ebed otzima éñomma ché obina ochina ka Shékém. Wa ammaana p'éñomma nda akhaam ekhera ka Gaal.

²⁷ Mada bę akk'afona ayin k'iwoní atza apha grep atzima asi atzuk, bę an-asi odataami k'ókhapa kw'ókha fabé. Bę am-achi abira agwo, am-asaakhi Abimélek.

²⁸ Mę wó ofon Gaal kw'ode nnwa kw'Ebed oben bi, "Anyi wó ode Abimélek, kw'ira maman anóng pa Shékém on-owobha irekhirek kwé o? Kę arang ode nnwa kwa Jerub-Baal, kwa Zebul ojem mbóhk ka nnam o? On-orenga yan mowobha k'irekhirek kw'Abimélek? Bong mohakha echo ńnang itta Hamor, kw'ode otte kwa Shékém.

²⁹ Ira anóng mba awobh k'irekhirek kwaam! Ira kaam ndim-e. Ira mben Abimélek bi, 'Tzima arim-egbong pö biphyir ayin ka!' "

³⁰ Mada Zebul kw'ode odatah-ékhoma ch'odedenmon, óbhaang odik kwa Gaal kw'ode nnwa kw'Ebed ógbaakhi, ettem epyibh-é itzama-itzama.

³¹ Orenga ka ndubhama ótzohm akkaabh-nkkaabha ochená Abimélek, oben bi, "Gaal kw'ode nnwa kw'Ebed ómaana vókka pę akk'akwa ka Shékém, akwu achohma ékhohr k'odedenmon atzima atzor-o.

³² Mẹ wọ, kọ bina m'erungi ttara ajinong po, bong akwu ayima atzik bẹ k'iwonni.

³³ K'ekpebha mada ewuchen eyin, bong bina atza arima odedenmon nwa abe. K'ogbe kwa Gaal omaana ajinong pe ayin ka bi, bẹ akwu arima bong abe, bong dima ọphaangi nwuma arima bẹ abe."

³⁴ Mando kw'Abimelek, omaana arim-egbong pe biphyir abin orenga m'erungi, bẹ abhaangi for sabẹ ka ngaan nna afona atza achubha k'obek'obe abaanga Shékem.

³⁵ Mando kwa Gaal kw'ode nnwa kw'Ebed okk'ofona ọtza obe k'ebaakhamma ch'odedenmon otzik, otzor m'ogbe kw'Abimelek omaana arim-egbong pe afon k'ibe sa bẹ achubh, ayin ka.

³⁶ Mada Gaal ore bẹ, oben Zebul bi, "Kkeri anong kana, p'am-afona ka mgbegbeho ahakha e!"

Zebul obhina bi, "Kọ are agbagba pa mgbegbeho, an-achibhi bi, anongeşa bo p'are."

³⁷ Yina, Gaal obiro oben bi, "Kkere anong kana am-afona k'egbegbeho ebira ahakha e, ekhaan dani ebire ekwuma kana ọkkadeden kw'echi ch'abohnganong e."

³⁸ Mẹ wọ ofon, Zebul oben-ẹ bi, "Emma ma dök kabən o, kọ arang ewu nda abeni bi, 'Anyi wọ ode Abimelek kwa maman on-owobha irekhirek kwé e?' Ajinong mba arang p'ewu nda am-alukh o? Yin k'iyaan atza arima bẹ abe!"

³⁹ Mando kwa Gaal otzim ammaana pa Shékem eden, ọtza orima Abimelek abe.

40 Abimelék okhubh-é maa, opyiri k'ebaakhamma ch'odedenmon, bę afhu anong haabhada mada bę am-aröbh.

41 Wa Abimelék ọtza owobha k'obhon kw'Aruma. Zebul e, okhubh Gaal ọmaana ẹnomma che ka Shékem.

42 Ewu ehobh mę, anong pa Shékem afona ayin k'iwoni sabę, bę atzökha odik nwa agbaak Abimelék.

43 Mando kw'otzök ajinong pę ọbhaangi ka ngaan nttaan bę afona atza achubha k'iwoni, atzik. Mada ore da anong mba am-afona k'odedenmon ayin ka, obina ọtza orima bę abę.

44 Mando kw'Abimelék ọmaana ngaan nna sa nwobh ttar-ę, aröbhi achina itzitzikha-itzitzikha atza abe k'ebaakhamma ch'adimi k'odedenmon. Ngaan mfa ngwubh ayok p'awobh k'iwoni, afhu bę.

45 M'ewu nduma biphyir Abimelék ochina ororo orima odedenmon abę maa, ọbokh-ę, obiro ofhu anong p'obhon nwa. Mando kwa okable odedenmon nwa yina ọn-otzök onung onyaani m'akhora obhon nwa.

46 Mada ammaana p'akkeribe sa Shékem abhaang odik nwa, bę aröbh achina k'ichubhabbe s'ohohm kw'El-Berit.

47 K'ogbe kw'Abimelék ọbhaang bi, bę akk'atzobha kę,

48 kę ọmaana ajinong pę biphyir avura achina k'egbegbeho cha Zalmón. Abimelék ọtzoekha ebar ọkpaa abohnga bani p'echi, p'otzini ọnana k'ebabaang. Ọnang ajinong p'awobh ttar-ę ẹfa bi,

“Ebhar-ebhar! Bong si macha bong are-m da nsi ma!”

⁴⁹ Mando kw'ajinong mba biphyir abira ak-paara achi-bohnga, atzima atzon Abimelek abe. Be atzokha se atzobha k'ichubhabe, be atzokha ekpon akhe akpori anong p'awobh k'ichubhabe nna etzaanga. Me wɔ ofon, anong biphyir p'awobh k'ibe s'akkeribe sa Shékem, ajinong omaana panong p'apyiri nnohna mfa obhiri arɔbh jobh, abira ape.

⁵⁰ Abimelek obina me ɔtza ɔkhɔri obhon kwa Tébez okhe k'ottem ɔbɔkh-e.

⁵¹ Wa k'odedenmon etzaanga, ɔkhaam ibe s'akkeribe sa be abaabhb-ɔbhaabhb s'ajinong omaana panong akwu attara k'anong p'odedenmon biphyir akk'arɔbha atza achubha. Be agbak akpori for sabɛ k'etzaanga, avura atza abe k'eyohng ch'ibe nna.

⁵² Abimelek ofona ochina k'ibe s'akkeribe bi, ɔtza orima anong mba abe. Yina, mada opyiri k'ebaakhamma ch'ibe nna bi okhe se ekpon,

⁵³ mando kwa kwanong wani otte etzakpa dani ɔbɔhk k'erong, ettem-ɛ m'eho ebhaakha Abimelek echo.

⁵⁴ Oyeri otzim-egbongkpo kwɛ m'ebhar-ebhar, oben-ɛ bi, “Tzor ɔkkangkaang kwɔ afhu-m, ifha be aningi abeni bi, ‘Kwanong wɔ ɔfhu-m’ ” Mando kw'otzohmnong kwɛ ɔtzɔri ɔkkangkaang okhum-ɛ, ope.

⁵⁵ Mada anong p'Israël are bi, Abimelek ɔkk'opa, be akpa nnam abhana.

⁵⁶ Mando wɔ kw'Ibinokpaabyi oreng otzukha itzama s'Abimelek ɔkk'osa ɔnang otte kwɛ, da ofhu

votte pẹ anong aröbh attaan obhiri jobh.

⁵⁷ Wa Ibinökpaabyi obiro osi ajinong pa Shekem ape k'itzama sa bẹ asi biphyir. Wa emma cha Jotam kw'ode nnwa kwa Jerub-Baal ębokha bẹ.

10

Tola kw'ode osi-aponga kw'Israël

¹ K'ogbe kw'Abimelek okable opa, ojinong kw'okpen Tola kw'ofon k'ekhomma ch'Isaaka, obiro ode nnwa kwa Pua kw'ode nnwa kwa Dodo, obina bi, okable ana anong p'Israël. Wa orukhi ka Shamir, k'okhubba kwa mgbegbeho s'Ephraim.

² Wa kẹ ode osi-aponga k'Israël ka cho ेrobh obhiri attaan, yina on-ope, bẹ anohng-ẹ ka Shamir.

Jair kw'ode osi-aponga kw'Israël

³ Iwa ọnong kw'ojem mẹ, ode Jair kw'ofon Gilead, kw'iwa ode osi-aponga k'Israël ka cho ेrobh obhiri afa.

⁴ Wa kẹ obhoni ajinong ेrobh obhiri jobh, p'ayaari nnyanyaang ेrobh obhiri jobh. Wa bẹ abira abaabha ibhon ेrobh obhiri jobh ka Gilead sa maa, apyiri ma bẹ ayeri se Havot-Jair.

⁵ Mada Jair ope, bẹ anohng-ẹ ka Kamon.

Jephta kw'ode osi-aponga kw'Israël

⁶ Iwa anong p'Israël abira asi ebibya k'itzitzikha s'Qvaar Ibinökpaabyi. Bẹ akpobha ikha sa Baal omaana s'Ashtoret, omaana s'Aram, omaana sa Sidon, omaana sa Moab, omaana s'Ammon ttara ikha s'anong pa Philistiya. Wa anong p'Israël akpa nnam abora Qvaar Ibinökpaabyi, bẹ kẹ dök kakpobh.

⁷ Ovaar Ibinokpaabyi ọdókhi ettem otzima otzor anong p'Israél. Otzokha bẹ́ okhe anong pa Philistiya, omaana anong p'Ammón ka mbóhk,

⁸ p'apfuri bẹ́ abira afhu bẹ́. Wa okhe anong p'Israél biphyir k'ihem, k'okhubha kw'ewuchen em-eyin kwa Jordán ka Gilead, kw'ode ékhomá ch'anong p'Amor, ka cho chi obhiri attaan.

⁹ Wa anong p'ékhomá ch'Ammón abira ajekha ọraanga kwa Jordán, atza arima erima omaana ékhomá cha Juda, omaana cha Béjamin omaana ch'Ephraim; wa Israél owobh k'ommamma kw'ideden.

¹⁰ Mẹ́ wọ ofon, anong p'Israél abhom emong anang Ovaar Ibinokpaabyi, aben bi, "Maman okk'ékhomngkwuri ọsa k'itzitzikha sọ, mokk'nnam ọkpa ọbora Ibinokpaabyi kwaman, mokpobha ikha sa Baal."

¹¹ Iwa Ovaar Ibinokpaabyi obhina anong p'Israél bi, "K'ogbe kw'iwa anong p'Ijip, omaana p'Amor, omaana p'Ammón, omaana pa Philistiya,

¹² omaana pa Sidon, omaana p'Amalek, ttara anong pa Maon akhe bong k'ihem, bong abhom ayer-m bi, nkkaana bong, wa bong kinkkaan nnobha bong ka mbóhk sabẹ́ o?

¹³ Yina, bong akk'nnam akpa abor-m, bong akpobha ekpo ẹdodók. Mẹ́ wọ osi, kaam bong dök kinkkaana.

¹⁴ Bong nōhng atza abhom anang ikha sa bong akk'atzekha bi, akpobha. Tte sẹ́ ikkaana bong k'ogbe kwa dama-dama!"

¹⁵ Yina, anong p'Israél aben Ovaar Ibinokpaabyi bi, "Maman ọkk'ékhomngkwuri ọsa. Kọ tzima man

asi odik kpenamkpen kw'odaakh-ọ, yina, tzotzokhaan kkaana man e."

¹⁶ Mando kwa bé avohkhi ikha s'iwobh kabé k'ottem, bé an-akpobha Ọvaar Ibinókpaaabyi. Mè wo ofon, Ibinókpaaabyi ọkkaana anong p'Israël k'ihem sabé.

¹⁷ K'ogbe kw'anong p'Ammón adabhi egbong abhing ka Gilead, anong p'Israël atzobha ibe rani, abhing ka Mizpa.

¹⁸ Adeho p'anong pa Gilead abhakhi aben ayok bi, "Ọnong manda wani kw'óde ocheden-nong kw'orima anong p'Ammón abé, kẹ wọ óde oho kw'anong p'arukhi ka Giléad biphyir."

11

¹ Iwa Jephtha kw'ofon Gilead ode okkengitzá kw'ideden. Wa otte okpen Gilead; ọkka kwé ode ọzaaza-kwanong.

² Wa kwanong kwa Giléad obiro omaan-e va p'ijinong. Mada va mba abari, bé akhubh Jephtha, aben bi, "Kọ ekkema manda dani ka man k'ehohmmor kakhaam, okhuri bi, kọ ade nnwa kwa kwanong ọdodòk."

³ Mè wọ ofon, wa Jephtha obina oji votte pé, ọtza oruk k'irerek sa Tob, kẹ kwa ẹkhaan ch'akpararinong bani atzon-e abé, abira awobha ttar-e.

⁴ K'ogbe mè, wa anong p'Ammón am-arima anong p'Israël abé.

⁵ M'ogbe nwuma kw'anong p'Ammón am-arima anong p'Israël abé, adeho pa Gilead afona bi, atza atzókha Jephtha k'irerek sa Tob.

6 Wa bẹ aben Jephtha bi, “Kwu de man oho kw'arim-egbong, ifha mofha orima anong p'Ammón abẹ.”

7 Iwa Jephtha oben adeho pa Gilead bi, “Wa bong kaam kattaang maa, bong akhubh-m k'ehohmmor ch'otte kwaam o? Okhuri yan kwa bong an-abira aróbh akwu ka kaam k'ogbe kwa dama-dama?”

8 Adeho pa Gilead aben Jephtha bi, “Kaambi obiro ode mando, mayina mọn-otzon kọ abẹ; kwu tzon man abẹ, motza orima anong p'Ammón abẹ, kkeri kọ wọ áde oho kwaman biphyir p'orukhi ka Gilead.”

9 Jephtha obhina anong pa Gilead bi, “Idikha bong atzim-m mkpa nnam nda nnima anong p'Ammón abẹ, Ovaar Ibinokpaabyi osi ngema bẹ, na kaam nde bong oho k'odik-ókka a?”

10 Iwa adedenñong pa Gilead abhina Jephtha bi, “Ovaar Ibinokpaabyi wọ ode nttesé kwaman, mósisosi mach'abeni.”

11 Mẹ wọ ofon, Jephtha otzon adedenñong pa Gilead abẹ, bẹ ase-ẹ oho kwabẹ ọmaana odeho kw'arim-egbong. Mando kwa Jephtha obiro ọgbaak atzim p'ira ọgbaakhi k'itzitzikha s'Ovaar Ibinokpaabyi ka Mizpa.

12 Mẹ wọ ofon, wa Jephtha otzohm akkaabh-nkkaabha p'atza abobh ọvaarnñong kw'anong p'Ammón bi, “Ottotto kwaam ode yan, kw'arim ekhoma chaam abẹ o?”

13 Iwa ọvaarnñong kw'anong p'Ammón obhina akkaabh-nkkaabha pa Jephtha bi, “Mada iwa anong p'Israél abin k'Ijip akwu, bẹ atzok irerek saam ttewor k'oraanga kw'Arnón maa, apyiri k'oraanga

kwa Jabök, atzima atza apyiri k'oraanga kwa Jordan. Kọ na tte sẹ ọbohk anang-m *bi bém*."

14 Iwa Jephtha otzohm akkaabhb-nkkaabha akpa nnam k'ovaarnong kw'anong p'Ammón,

15 oben bi:

"Ma wọ ode odik kwa kaam Jephtha mgbakhi bi: anong p'Israél bẹ irerek sa Moab obiro ode irerek s'anong p'Ammón, katzök.

16 Yina, k'ogbe kw'iwa bẹ abin k'Ijip, wa anong p'Israél areng k'ebherede apyiri k'Eraanga-khora, akwobha achina ka Kadésh.

17 Wa anong p'Israél atzohm akkaabhb-nkkaabha k'ovaarnong kw'Edom, aben bi, 'Tte morenga k'ekhoma chọ ọkwobha,' yina, ɔvaarnong kw'Edom bẹ itzohng koyong. Wa bẹ abira atzohm ẹkkaabha nda anang ɔvaarnong kwa Moab, kẹ obiro obhum. Mẹ wọ ofon, wa anong p'Israél an-awobha ka Kadésh.

18 "Ayongi mẹ, wa anong p'Israél arenga k'ibe s'anong an-arukhi, k'okhaan-ókhaan kw'Edom omaana kwa Moab. Bẹ arenga k'okhubha kw'ewuchen em-eyin ka Moab, atza abhing k'okhubha kw'oraanga kw'Arnón. Wa bẹ k'ekhoma cha Moab kadimi da iwa Arnón ode enim chabẹ.

19 "Mẹ wọ ofon, wa anong p'Israél atzohm akkaabhb-nkkaabha ka Sihon kw'ode ɔvaarnong kw'anong p'Amor, kw'odabhi ἑvaar ka Heshbon, aben-ẹ bi, 'Tte morenga k'ekhoma chọ, ochina ka man k'ibe.'

20 Wa Sihon anong p'Israél k'odik-ókka kótzök, kẹ wọ osi bẹ ọbohk kotte bẹ arenga k'ekhoma chẹ.

Wa ọtzohm arim-egbong pẹ atza abhing ka Jahaz, arima anọn p'Israël abe.

21 “Mẹ wo ofon, Qvaar Ibinokpaabyi, kw'ode Ibinokpaabyi kw'Israël, otzokha Sihon omaana arim-egbong pẹ biphyir okhe anọn p'Israël ka mböhk, bẹ akhema bẹ. Wa anọn p'Israël atzokha irerek biphyir s'anọn p'Amor p'iwa arukhi mẹ ekhoma nduma.

22 Bẹ attewor k'Arnçon atzokha irerek s'anọn p'Amor biphyir maa, apyiri ka Jabok omaana k'ebherede maa, apyiri ka Jordon.

23 “Mada Qvaar Ibinokpaabyi, kw'ode Ibinokpaabyi kw'Israël okk'anọn p'Amor okhubha k'itzitzikha s'anọn pẹ p'Israël, bong efa cha kọ akhaam bi, abira akpa nnam atzokha irerek nna a?

24 Idikha Kémosh kw'ode ọkha fabong, ọnangi bong ottóhk bong katzokha a? Mando kw'ode ttara man bi, ottóhk kpenamkpen f'Qvaar Ibinokpaabyi, kw'ode Ibinokpaabyi kwaman ọnangi man, mótzókh-ótzokha.

25 Yan kwa kọ ajibhi ayong'a Balak kw'ode nnwa kwa Zipor, kw'ode ọvaarnòng kwa Moab? Mada ogbe odede, okk'ekhóhr ọsa omaana anọn p'Israël, yina ira on-orim bẹ abe o?

26 Ka cho aròbh chi kw'anọn p'Israël arukhi ka Heshbon omaana k'Aroa omaana k'ibhon s'iwobh ikhori bẹ, ttara k'abhabhona biphyir p'awobh k'ókkadeden da achin k'Arnçon. Okhuri yan kw'iwa bong ani se k'ogbe nwuma atzok?

27 Kaam kọ itzama kinsi. Yina, kọ am-achibhi itzama bi, arim-m abe. Tte Qvaar Ibinokpaabyi, kw'ode Ọsi-aponga, ottóhna aponga mba ọnang

anong p'Israeł ọmaana anong p'Ammɔn."

28 Kaambi mè wø, ọvaarnong kw'Ammɔn erekkaabha nda cha Jephtha otzohmi ọnang-e, itzohng koyong.

29 Mè wø ofon, wa egwugwuma ch'Ovaar Ibinokpaabyi ch'efa ẹnwa Jephtha. Ojekha ka Gilead ọmaana ka Manasę, orenga ka Mizpa kwa Gilead, otza orima anong p'Ammɔn abe.

30 Wa Jephtha osi echechhi ọnang Ovaar Ibinokpaabyi, oben bi, "Idikha atte anong p'Ammɔn ọbokh anang-m,

31 mada mmana da ngema anong p'Ammɔn, ottóhk kpenamkpen f'ochi eden ofona k'ohohm kwaam okwu ogom-m, fe óde f'Ovaar Ibinokpaabyi, mbiri ndima fe nsi ejafohni ekwomiche."

32 Mando kwa Jephtha ofon otza orima anong p'Ammɔn abe. Wa Ovaar Ibinokpaabyi otte anong mba ọbokh ọnang-e.

33 Wa Jephtha okhema ibhon erobh k'Aroer ọmaana, k'okhubha kwa Minit maa, apyiri k'Abeł-Keramin. Mè wø ofon, wa anong p'Ammɔn anawobha irekhirek kw'anong p'Israeł.

34 Mada Jephtha opyiri k'ohohm kwé ka Mizpa, wa ọnong kw'oyini k'iyaan ogom-e kode, oyongi ominanwa kwé kw'ode nnwa obungikwé kw'okhaam, kw'otzubhi ebin otzor k'okhira kw'achangchangkpa. Akhiri ominanwa nwa aji, wa nnwa ọdodok ode kw'ijinong obiro ode kw'ikwanong kókhaam.

35 Mada otte ore-e, obokha obara f'ofor ojaakhi obhom, oben bi, "Kpé e, nnwa kwaam! Akk'asa chua ọbokh-m, efa ekk'aam eha. Kaam

nkk'echekhi nsa k'itzitzikha s'Ovaar Ibinokpaabyi
cha nni nnam mfha mkpa mbora."

³⁶ Nnwa obhina bi, "Otte kwaam, ko
akk'echekhi asa anang Ovaar Ibinokpaabyi e.
Tzim-m si mach'akk'achekhi, da Ovaar
Ibinokpaabyi okk'anong p'Ammón, p'ade
attattaanga-nong po, okhema ɔnang-o.

³⁷ Yina, tte mphyem-o odik nwa wani, nang-m
aphe afa, ifha kaam ɔmaana ayokh-omina paam
mobhom ɔkpaanga k'okhubha kwa mgbegbeho,
okhuri da kaam nni odim mba maa, ikhina ogbe
ode."

³⁸ Otte obhina bi, "Ko ṙohng." Ottę-e ɔbɔhk ofona
k'aphe afa. Kę ɔmaana ayokh-omina pę afona
achina k'okhubha kwa mgbegbeho atza abhom
among kę, okhuri da ominanwa nwa oni odim
óba maa, ogbe ode.

³⁹ Mada aphe afa akk'akwobha, okhuna okwu
okhebha otte, otte otzim-e osi mach'okk'ochekhi.
Wa ominanwa nwa ojinong otzim oronga.

Ma wę kw'emmaana ch'anong p'Israël efon,

⁴⁰ cha ka cho kpenamkpen aminava p'Israël,
am-afona k'iwu inna atzima ajima ominanwa
kwa Jephtha, kw'ofon Gilead.

12

Ekhōhr cha Jephtha ɔmaana anong p'Ephraim asi

¹ Iwa anong p'Ephraim ayeri arim-egbong pabę
atzobha, bę ajekha k'okhubha kwa Zaphon. Bę
aben Jephtha bi, "Okhuri yan kw'atza arima anong
p'Ammón abę, man kayeri mótzon-o abę? Mada
akk'mando asa, mókwom-o k'ekpon ttara ɔhohm
kwó."

² Jephtha obhina bi, “Erima cha kaam omaana anong paam morim ttara anong p'Ammón, ede erima ch'egaangi-ogaangi. Chibhi da nyeri bong, bong kaam ka mbóhk sabé kakaan.

³ Mada nne bi, bong kaam kakkaana, kaam nna nkhera obo njekha nda nnima anong p'Ammón abé. Wa Ovaar Ibinókpaaabyi osi-m ngema bé. Ode yan kwa bong an-akwu bi, akwu arim-m abé o?”

⁴ Iwa Jephtha on-oyeri anong pa Gilead otzobha, otzima bé otza orima anong p'Ephraim abé. Wa anong pa Gilead afhu anong p'Ephraim, okhuri da iwa anong p'Ephraim akk'abena bi, “Bóbong anong pa Gilead ade aróbhí-mgbong p'afon Ephraim omaana Manasé.”

⁵ Wa anong pa Gilead akpa obe f'ogbin-ogbin k'oraanga kwa Jordán f'ochin k'Ephraim. Ogbe kpenamkpen kw'onong kw'Ephraim kw'orobhi ɔnaanga, obeni bi, “Tte njekha k'okhubha,” ajinong pa Gilead abóbh-e bi, “Kó afon Ephraim o?” Idikha obhin bi, “Mma,”

⁶ bé aben-e bi, “Ode mando ben bi, ‘Shibolé.’” Idikha obeni bi, “Sibolet,” okhuri da ɔnóng nwuma oni ɔwóhng nwa ejibha ɔfha oyeri, bé abókh-e afhu k'obe f'ogbin-ogbin k'oraanga kwa Jordán. M'ogbe nwa, wa bé afhu anong p'Ephraim nnóhna aróbh afa obhiri chi.

⁷ Iwa Jephtha ode osi-aponga k'Isræl ka cho azadani. Wa Jephtha kw'ofon Gilead ope, bé anóhng-e k'obhon wani ka Gilead.

Ibzan omaana Elon ttara Abdón akwu ade asi-aponga k'Isræl

⁸ Mada Jephtha ɔkk'opa, Ibzan kw'ofon Betelehem, okwu ode osi-aponga k'Israeł.

⁹ Wa kę ɔkhaam adikkobh eröbh obhiri jobh, omaana aminava eröbh obhiri jobh. Wa ɔtzökha aminava pę ɔnang ajinong pa nnomma ndodok k'obada, obiro ɔtza ɔtzökha aminava eröbh obhiri jobh ka nnomma ndodok, ochena adikkobh pę bi, bę aba. Wa Ibzan ode osi-aponga k'Israeł ka cho azenamfa.

¹⁰ Wa Ibzan ope, bę anohng-e ka Betelehem.

¹¹ Mada Ibzan ɔkk'opa, Elon kw'ofon Zebulun okwu ode osi-aponga k'Israeł ka cho jobh.

¹² Wa Elon ope, bę anohng-e k'Ayijalon, k'ekhöma cha Zebulun.

¹³ Mada Elon ɔkk'opa, Abdöñ kw'ode nnwa kwa Hilel, kw'ofon Piraton, okwu ode osi-aponga k'Israeł.

¹⁴ Wa kę ɔkhaam adikkobh aröbh afa omaana va pa va p'ade ajinong eröbh obhiri jobh, p'ayaari ka nnyanyaang aröbh attaan obhiri jobh. Wa kę ode osi-aponga k'Israeł ka cho azenanttaan.

¹⁵ Wa Abdöñ kw'ode nnwa kwa Hilel ope, bę anohng-e ka Piraton k'ekhöma ch'Ephraim k'okhubha kwa mgbegbeho s'anong p'Amalek.

13

Èmmáaná cha Samson

¹ Iwa anong p'Israeł abira asi ebibya k'itzitzikha s'Ovaar Ibinokpaabyi. Me wö osi, wa Ovaar Ibinokpaabyi otte bę oböhk, bę awobha k'irekhirek kw'anong pa Philistiya, ka cho aröbh afa.

² Iwa ojinong wani kw'okpen Manoa kw'ofon Zora, k'ekhöma cha Dan, ıkhaam kwanong kw'ode ojididima, nnwa kofha ọmaan.

³ Wa oreng-eden kw'Qvaar Ibinokpaabyi oyin kwanong nwa abe, oben bi, "Ko ade ojididima, nnwa kakhaam, yina, ko atzima ibhor otzima amaan nwa kw'ijinong.

⁴ Me wo, ko atzuk manda bani, kaambi abhinga-tzuk bo, kàgwo, ottóhk fa be aphaangi-ophaaangi kàbira achi.

⁵ Ko átzima ibhor otzima amaan nnwa kw'ijinong kw'ekper en-eho ché ettohmi, okhuri bi, odikkobh nwa atzuk p'agaangi-øgaangi kogwo, ekper ke k'eho kéttohmi*, óde nnwa kwa be attewor k'ibhor átte obóhk anang Ibinokpaabyi. Ke wo ótzima anong eden, oróhba anong p'Israél ka mbóhk s'anong pa Philistiya."

⁶ Mando kwa kwanong nwa ofon otza ogbaak odim bi, "Qsejaakhi kw'Ibinokpaabyi oyin-m abe. Ke okheri oreng-eden kw'Ibinokpaabyi kw'ojor-ojora. Kaam ke ibe s'ofon okwu kimbóbhi, kaam che ché kobiro ogbaak.

⁷ Yina, ke oben-m bi, 'Ko átzima ibhor otzima ámaan nwa kw'ijinong. Me wo osi, ko atzuk manda bani, kaambi abhinga-tzuk bo, kàgwo. Ottóhk fa be aphaangi-ophaaangi kàbira achi, okhuri bi, odikkobh nwa atzuk p'agaangi-øgaangi kogwo, ekper ke k'eho kéttohmi, óde nnwa kwa be attewor k'ibhor átte obóhk anang Ibinokpaabyi maa, ikhina ope.'"

* **13:5 13.5** K'eHiburu, ọnong kw'oni atzuk p'agaangi-øgaangi ogwo, ekper ke k'eho kebire ettohmi be ayer-e Nazirit.

⁸ Mę wọ ofon, wa Manoa ozi njohm ọnang Ovaar Ibinokpaabyi oben bi: "O Ovaar Ibinokpaabyi kohkha kaam otzohmnong kwọ inongkwo. Kaam ngwukh-ọ okhukhi bi, atte ọsejaakhi kw'ira atzohmi achena man ọboghk, obiro ọkpa nnam ifha okwu okpebhi man odem kwa morenga ọrok odikkobh nwa kwa bẹ ámaan e."

⁹ Iwa Ibinokpaabyi ọbhaanga njohm sa Manoa. Orenga-eden kw'Ibinokpaabyi obiro oyin kwanong nwa abẹ, k'ogbe kw'owobh k'owoni; yina, wa odim kwẹ Manoa mẹ kode.

¹⁰ Kwanong nwa ojaabhi mmo ọtza ọgbaak odim bi, "Ojinong nwuma kw'ewu nda oyin-m abẹ, okk'obiro akwa e!"

¹¹ Manoa obina otzor kwanong kwẹ nnam. Mada okwu okhebha ojinong nwa, obogh-ẹ bi, "Kọ wọ ade ojinong kw'ewu nda agbaakhi kwanong kwaam odik o?"

Obhina bi, "O o, kaam wọ e."

¹² Mę wọ ofon, Manoa ọbogh-ẹ bi, "K'ogbe kw'atzim pọ ákhaama ejaaakhi, bong aphaangi bọ p'odikkobh nwa oruk akpen otzor, obiro osi ọtzohm otzor o?"

¹³ Iwa oreng-eden kw'Ovaar Ibinokpaabyi obhina bi, "Kwanong kwọ ọkhaambi osi odik kpenamkpen kwa nkk'ẹ mgbaakha bi, osi.

¹⁴ Kẹ kokhaambi ochi ottohk manda vani f'ofon ka grep, kokhaambi ogwo atzuk manda bani, kaambi abhinga-tzuk bọ, kẹ kokhaambi ochi ọphaangi-ttohk manda vani. Kẹ ọkhaambi osi odik kpenamkpen kwa nkk'ẹ ndohna."

¹⁵ Mę wọ ofon, Manoa oben oreng-eden kw'Ovaar Ibinokpaabyi bi, "Ira ọdaak man bi,

awobha ttara man maa, mowohn ovu-nwa ɔnang-o.”

¹⁶ Oreng-eden nwa kw'Ovaar Ibinokpaabyi obhina bi, “Kaambi abokh-m ahok ma, kaam ɔchattohk fabong manda vani kínchi. Yina, idikha asi ɛnanga ekwomiché, tzokha ché anang Qvaar Ibinokpaabyi.” (Wa Manoa kotzini bi, oreng-eden kw'Ovaar Ibinokpaabyi wó.)

¹⁷ Iwa Manoa obobh oreng-eden kw'Ovaar Ibinokpaabyi bi, “Ko akpen yan o, ifha mofta ɔnang-o ikpokpobha k'ogbe kw'atzim pø ákhaama ejakhi k'odik-ókka?”

¹⁸ Oreng-eden kw'Ovaar Ibinokpaabyi obhina bi, “Ira kaam che chaam kabobh e, okhuri bi, kwé ko kóttaan e.”

¹⁹ Wa Manoa otzokha ovu-nwa omaana ɛnanga ch'abokpa, otzima osi ejafohni k'itzakpa ebir-ebir ɔnang Qvaar Ibinokpaabyi. Wa Qvaar Ibinokpaabyi osi okkokkoni-dik m'itzitzikha sa Manoa omaana kwanong kwé:

²⁰ Mada akpondaak awom k'ijafohnibe achina k'erong, oreng-eden kw'Ovaar Ibinokpaabyi orenga m'akpongdaak mba ofona. Mada Manoa omaana kwanong kwé are odik nwa, bę atto akhubha otzitzikha fabę k'irerek.

²¹ Mada oreng-eden kw'Ovaar Ibinokpaabyi oni Manoa omaana kwanong kwé abę dök oyini, Manoa on-otzin bi, oreng-eden kw'Ovaar Ibinokpaabyi wó.

²² Manoa oben kwanong kwé bi, “Møkk'opa ma e, mokk'Ibinokpaabyi ora e!”

²³ Mę wó ofon, kwanong kwé obhina bi, “Idikha ira Qvaar Ibinokpaabyi ɔkhami bi ofhu man,

ira ẹnanga ekwomichẹ chaman ọmaana ẹnanga chaman ch'abokpa cha mosi, kọtzökha. Ira man idik nna biphyir kókhóhkha, man sẹ ọgbaak-gbaak kobiro ọgbaak."

²⁴ Iwa kwanqong nwa okwu ọmaan nwa kw'ijinqong, ọkpé-ẹ Samson. Wa nnwa nwa ọbar, Qvaar Ibinokpaaabyi ọde-ẹ.

²⁵ Wa egwugwuma ch'Qvaar Ibinokpaaabyi ch'efá ẹnwé-ẹ mada owobh ka Mahane-Dan, k'ottem kwa Zora ttara Eshtaol.

14

Obada kwa Samson

¹ Iwa Samson ofona ochina ka Timna, ọtza ore ominanwa wani kw'ofon Philistiya.

² Mada okhun e, ọtza ọgbaak otte ttara ọkka bi, "Kaam nkk'oPhilistiya-minanwa nna ka Timna; bong dòkh-ẹ anang-m, ode kwanqong kwaam."

³ Otte ttara ọkka abhina bi, "Ode bi da aminava akkakka anade k'echimma cho, obiro ode k'ottem kw'anqong paman biphyir wọ raa, kwa kọ akhaambi achina k'anqong pa Philistiya p'ani ọkpakkorikkọ asi bi, atza atzökha kwanqong o?"

Kaambi mẹ wo, Samson oben otte bi, "Kẹ wọ ode ọnqong kw'odaakh-m e. Kọ tzokh-ẹ anang-m mba."

⁴ (Wa otte ttara ọkka karong bi, Qvaar Ibinokpaaabyi wọ obeni bi, orenga mẹ ọnang anqong pa Philistiya ettuma; okhuri bi, iwa anqong p'Israël awobh k'irekhirek kw'anqong pa Philistiya.)

⁵ Mando kwa Samson otzim otte ttara ọkka afona achina k'obhon kwa Timna. Mada bẹ apyiri

k'iwonı sa grep k'obhon kwa Timna, ekye eyin mę em-esi amỌng erenga etzor Samson ka for.

⁶ Wa egwugwuma ch'Qvaar Ibinokpaabyi ch'efa enwa Samson ẹnang-ę ẹfa, ch'otzim mbóhk-mbóhk ọbókha ekye ojaakhi, mach'ira ojaakhi ovunwa. Yina, wa ọkka ttara otte odik kw'ókk'osa kogbaakhi.

⁷ Ofona ọtza okhebha kwanɔŋ nwa ka Timna ọgbaakh-ę atzim, ọkhaama idadaakha omaan-ę.

⁸ Mada ọn-ókpá nnam k'ogbe ọdòdòk bi, ọtza ọtzókha ominanwa nwa k'obada, otzini chen okkeri kę da okye-bukhi oyim, on-ore akhókhonà omaana akhókhonàna k'okye-bukhi ẹtzaanga.

⁹ Mando kwa onemi ọbóhk ọgwóhngi akhókhonàna ọttaakhi, da om-orenga ofona. Mada ofon ọtza okhebha otte ttara ọkka, ọtzókha akhókhonàna ọnang bę, bę attaakhi. Yina, wa bę kogbaakhi bi, okk'akhókhonàna ọgwóhngi k'okye-bukhi nwa.

¹⁰ Iwa otte ọtzon-ę abę, bę atza k'ominanwa nwa. Samson osi ọdadaami kw'obada, otzor k'emmaana ch'adikkobh.

¹¹ Mada anɔŋ pa Philistiya are-ę, bę atzekha adikkobh anɔŋ ẹròbh obhiri jobh anang-ę mach'ayokh-ékhaan pe.

¹² Iwa Samson oben bę bi "Tte ntta bong odem. Idikha bong anang-m ejaaakhi ch'odem nwa m'iwu nna izenamfa s'odadaami nwa, kaam nnang bong anohma-baba ẹròbh obhiri jobh pa bę atzim ndik ọkkakka asi, omaana abara-ho ẹròbh obhiri jobh.

¹³ Idikha bong an'aam ebhina afha anang, bong akhaambi anang-m anohma-baba ẹròbh obhiri

jobh pa bę atzim ndik ọkkakka asi, omaana abara-ho ẹrobh obhiri jobh."

Adikkobh mba abhina bi, "Tte moyonga itzohng atta man odem kwo."

¹⁴ Obhina oben bi,

"Ochattohk ofon k'onong kw'ochi ottohk; Idadaama ifon k'onong kw'okhaam efa." K'iwu ittaan, bę ebhina ch'odem nwa kafha anang.

¹⁵ Ottong iwu inna, anong mba atza aben kwanong kwa Samson bi, "Bohra odim ọgbaak man odem kw'odem kwę oyini, oni mando ode mọkwom-ọ ttara ẹhohmmor ch'atte biphyir k'ekpon. Bọn abheri man ma bi, bọn akwu afhu ekpo pyaman o?"

¹⁶ Mando kwa kwanong kwa Samson otto obang-e ma for, obhom oben bi, "Kọ kindaakhi! Idadaakha mebubuni kakhaam ttar-m. Akk'anong paam odem atta, yina, kaam ejaaakhi ch'odem nwa kagbaakhi."

Samson obhina bi, "Kaambi otte ttara ọkka kwaam wọ, bę ndimi mgbaakha, okhuri yan kw'ira mgbaakh-ọ o?"

¹⁷ Wa obhom ẹmòng m'iwu nna izanamfa biphyir s'odadaami. Ottong iwu izenamfa nnuma, Samson e, ọgbaakh-ẹ odem kw'odem nwa oyini, okhuri da ochin ororo ọgban-ẹ. Mando kwa ominanwa nwa ọbhakhi osi ejaaakhi ch'odem nwa, ọnang anong pẹ.

¹⁸ Yina ẹchohkha etto m'ewu ch'ettong izenamfa, ajinong p'obhon nwa aben Samson bi,

"Mbọn vọ ọdaami ọyohnga akhokhonana o?

Mbọn vọ ọkhaam efa ọyohnga ekye o?"

Samson on-oben bę bi,
 "Idikha ira bęng ani kwanong kwaam abok k'efa,
 ira ọnong kw'okhaama ejaakhi ch'odem
 kwaam, kode."

¹⁹ Mę wę ofon, egwugwuma ch'Qvaar Ib-inokpaabyi ch'efa enwa Samson. Ofona əhakha k'Ashkelon, ọtza ofhu ajinong pabę ərobh obhiri jobh, əwora bę ekpo biphyir ọtzokha pye ọtza ọnang ajinong mbuma p'anang-ę ejaakhi ch'odem nwa. Wa otzima idodokhi ıkpa nnam əbhana k'otte k'ohohm.

²⁰ Iwa bę atzokha kwanong kwa Samson anang odikkobh wani m'ottem kw'ayokh-ékhaan p'iwa asi ədadaami kw'obada kwa Samson.

15

Samson okhem anong pa Philistiya

¹ K'ogbe mę, m'ophagbe kwa wit, wa Samson otzima ovu-nwa bi, ọtza odibh kwanong kwe. Oben bi, "Kaam nchin k'emaanggọ cha kwanong kwaam." Yina, wa otte kwa kwanong kokher bi, ndim k'etzaanga.

² Iwa otte kwa kwanong oben bi, "Kaam iwa nnong kę bi, ominanwa nwa kę kodaakhi, kę wę osi, ndokh-ę nnang oyokh-ékhaan wani kwo. Ogbaanokka kw'ikhakhari k'oijibhi oyerhng-ę o? Kę tzokha oyok nwuma."

³ Iwa Samson oben bę bi, "Ogbe nwa, oponga-pyibha kindokha k'odik kwa nsi anong pa Philistiya; Kaam nsi bę itzama ıkhaam-ıkhaam."

⁴ Mando kw'ofon ọtza ıkokha azizi aröbh chi, ọtzokha bę ədabh afa-afa ka nsara. On-ọtzokha ikhebh ədabh ka nsara mfa kpenamkpen.

5 Ṣtzokha okhebh mva oyeni, yina on-otte azizi mba ọbogh k'iwon s'awit s'anqong pa Philistiya. Okwomi awit pa bẹ aye-oye omaana p'atzima abe k'iwon, omaana iwoni sa grep ttara iwoni s'oliv.

6 K'ogbe kw'anqong pa Philistiya an-abobhi bi, "Anyi wọ osi odik nwa?" Bẹ agbaak bẹ bi, "Samson kw'ode onye kw'ojinqong kw'ofon Timnit wọ osi odik nwa e, okhuri da bẹ atzok kwanqong kwẹ anang oyok-ekhaan kwẹ e."

Mando kw'anqong pa Philistiya afon atza akwomi ominanwa nwa omaana otte maa, bẹ ape.

7 Samson oben bẹ bi, "Mada bong an-asi manda, kaam nchekhi bi, ọwoghng kinkwokha maa ndukha odik kwa bong asi."

8 Wa otzima ittem-dökhiji orima bẹ abe, ofhu bẹ k'ohaabh. Obina ọtza owobha k'omma-kw'itzakpa kw'Etam.

9 Iwa anqong pa Philistiya atza abhing ka Juda, bẹ anyaami apyiri ka Lehi.

10 Wa anqong pa Juda an-abobhi bi, "Okhuri yan kwa bong akwu arima man abe?"

Bẹ abhina bi, "M'okk'okwa bi, okwu ọbokha Samson ọtza ọkhe mgbakkohbh e, mose-e odik kw'osi man."

11 Mẹ wọ ofon, anqong pa Juda nnohna nzenamfa obhiri arobh jobh, ahakha k'omma-kw'itzakpa kw'Etam atza aben Samson bi, "Ode bi kọ katzini bi, mowobh k'irekhirek kw'anqong pa Philistiya? Bong odik kw'asi man ma o?"

Obhina bi, "Kaam nginggẹ ndukha odik kwa bẹ asi-m e."

¹² Mẹ wọ ofon, bẹ aben-ẹ bi, “Mọkk'okwa bi, okwu ọdabh-ọ, mọtzókh-ọ ọnang anong pa Philistiyi.”

Samson oben bi, “Bong chekhi anang-m bi, bóbong ọkhaam arang afhu-m.”

¹³ Bẹ abhina bi, “Mokk'okhera. Man kọ kofhu, mokhinggẹ ọdabh-ọ, ọtzókh-ọ ọnang bẹ.” Mando kwa bẹ atzim ndik mmasẹ mfa adabh-ẹ, atzima ayin k'itzakpa.

¹⁴ Mada opyiri ka Lehi, anong pa Philistiya am-awuri among arenga atzor-ẹ. Mando kw'egwugwuma ch'Ovaar Ibinókpaaabyi ẹhak ẹnwé-ẹ, ẹnang-ẹ ẹfa. Ndik sa bẹ adabh-ẹ ka mbóhk, ikpaara mach'adik-bukhi p'ekpon ẹkwomi, ichaar-ẹ ka mbóhk.

¹⁵ Mando kw'odungi ọkhobhi kw'agba p'enyanyaang kw'ore mẹ, ọtzim-ẹ ofhu anong nnohna mfa obhiri aróbh jobh.

¹⁶ Mẹ wọ ofon, Samson oben bi,
“Kaam nkk'okhobhi kw'agba p'enyanyaang
ndima nsi bẹ ade macha nnyanyaang.

Kaam nkk'okhobhi kw'agba p'enyanyaang
ndima mfhu ajinòng nnohna mfa obhiri
aróbh jobh.”

¹⁷ Mada okyer atzim mba ọgbagbaak, ọbhari ọkhobhi nwa kw'agba p'enyanyaang; wa bẹ ayeri ibe nna Ramat-Lehi.

¹⁸ Iwa ofon da asi akk'ẹ adaakha kpóng, obhom oyeri Ovaar Ibinókpaaabyi, oben bi, “Kọ akk'kaam ọtzohmnóng kwọ ekhema ch'ideden ananga. Ma, kaam nna nnenga isi-dadaakha abẹ, nda mpe ka mbóhk anong p'ani ọkpakkórikkọ asi o?”

19 Wa Ibinökpaabyi osi asi amaam ayin k'omma k'eje ch'okwung k'irerek sa Lehi. Mada Samson ogwo asi mba, efa ewobh-e obiro ogwengi. Mę wọ ofon, bę ayeri okhekhaho nwa Ẹn-Hakore, kw'otzim owobh ka Lehi maa, apyiri ma.

20 Iwa Samson ode osi-aponga k'Israeļ ka cho ẹrobh, k'ogbe kw'iwa anong pa Philistiya adabhi bę.

16

Samson omaana Delila

1 Iwa ewu dani, Samson ofona ochina k'obhon kwa Gaza k'ekhoma cha Philistiya. Mada owobh kę, ọtza obhing k'ozaza-kwanong wani m'erungiwu nduma.

2 Wa bę agbaak anong pa Gaza bi, Samson owobh ma e. Mando kw'anong pa Gaza afon atza ayeri ajinong atzobha, bę ayima ka mbaakhamma s'obhon m'erungiwu nduma biphyir, atzik. Bę awobha *bi sebh* m'erungiwu nduma, am-aben ayok bi, "Mófhé-e da ewu ekk'ehobha."

3 Yina, wa Samson oyima mę maa, opyiri k'orungittem. Obina m'orungittem ọtza ọbokha mbaakhamma s'obhon mögbakha mkpömmachi mfa ọkhobhi, okwu ottara k'agbokhorø ttara ekpo pya mbaakhamma biphyir. Oztini pye onana ka mbabaang otzima ovura k'egbegbeho ebir-ebir, k'okhubha kw'okkeri Hébrøn itzitzikha.

4 K'ogbe mę, wa kwanong wani kw'okpen Delila okwu ọdaak Samson k'Ittolim sa Sorek.

5 Wa adabhi p'anong pa Philistiya atza akhebha kwanong nwa aben-e bi, "Bohra Samson ifha

ögbaakh-ọ ndubhama kw'efa chẹ, ifha moфha ọnę-
e ẹfa, mobiro ọfha ọdabh-ę ndik, mokhem-ę.
 Önöng-önöng mottem kwaman, ọnang-ọ ashékel
pa silva nnöhna mfa obhiri aróbh chi.”

6 Mando kwa Delila ọtza oben Samson bi,
“Gbaakh-m ndubhama s'efa cho, omaana odem
kw'önöng ọfha ọdabh-ọ ndik otzima okhem-ọ.”

7 Samson obhin-ę bi, “Idikha ọnöng manda
wani otzim adik-naanga azenamfa p'agwu-ogwu
ọdabh-m, kaam ẹfa ẹhaam-ọha mach'eha ojinöng
kpenamkpen.”

8 Mę wọ ofon, wa adabhi p'anöng pa Philistiya
achena kwanöng nwa adik-naanga azenamfa
p'agwu-ogwu, otzima sę ọdabh-ę.

9 Ode ch'ajinöng akk'akwa achubha
m'emaanggo. Kwanöng nwa oyer-ę, “Samson,
anöng pa Philistiya an-abókh-ọ e!” Mando
kw'obók adik-naanga mba ọkpáara *bi pohbh*
mach'edik-naanga eyon da ẹbaang ekpon. Iwa bę
ndubhama s'efä chę kafha aronga.

10 Iwa Delila oben Samson bi, “Akk'asa nger
odidinginöng, akk'aam ibhora asa. Kọ gbaakh-m
odem kw'önöng ọfha orenga ọdabh-ọ.”

11 Oben bi, “Idikha ọnöng otzim ndik mmase
sa bę anatzima am-atzima, kaam ẹfa ẹhaam-ọha
mach'eha ojinöng kpenamkpen.”

12 Mando kwa Delila ọtzök ndik mmase otz-
ima ọdabh-ę. Ode ch'ajinöng akk'akwa achubha
m'emaanggo. Kwanöng nwa oyer-ę, “Sam-
son, anöng pa Philistiya an-abókh-ọ e!” Mando
kw'obók ndik sa bę adabh-ę ka mbóhk ọkpáara,
mach'adik-naanga p'an-akköri.

¹³ Iwa Delila oben Samson bi, “Ko atzim am-asi-m nger odidginginong o, akk'aam ibhora asa. Ko gbaak-m odem kw'onong ɔfha orenga ɔdabh-o.”

Samson obhina bi, “Idikha atzok akpadim mba p'eho chaam azenamfa, atzima edik-naanga abokha bę abira atzima akpak atzobha bę, kaam ɛfa ɛhaam-ɔha mach'eha ojinong kpenamkpen.” Mę wę ofon, mada Samson ɔm-ɔttaabha ɔda, Delila otzokha akpadim azenamfa p'eho cha Samson, ɔbokha bę

¹⁴ obiro otzima akpak otzobha bę.

Mando kwobiro oyer-e, “Samson, anong pa Philistiya an-abokh-o e!” Mando kw'ophyobh k'oda, ɔrobha akpak obiro ɔchaari edik-naanga ch'ebök akpadim etzobha.

¹⁵ Mę wę ofon, Delila oben-e bi, “Ka yan kwa ko aben bi, ‘Kaam ndaakh-o ɔdaak,’ kw'an-akher ajaakhi ndubhama kwę anang-m? On-ode igbe ittaan ma s'akk'asa nger odidginginong, kakher ajaakhi ndubhama s'ɛfa chę anang-m.”

¹⁶ Wa Samson e, ettem ebhem-e itzama-itzama, okhuri odem kwa Delila oreng ɔyaakh-e atzim k'ewu kpenamkpen.

¹⁷ Ofona mę, wa ɔgbaakh-e odik kpenamkpen oben bi, “Ekper kaam k'eho etzim em-ettohmi, kaam nde nnwa kwa bę atte ɔbohk ttewor k'ibhor anang Ibinokpaaabyi. Idikha bę aphyirm isisaa, kaam ɛfa ɛhaam-ɔha mach'eha ojinong kpenamkpen.”

¹⁸ Mada Delila ore bi, Samson ɔkk'e odik kpenamkpen ɔgbaakha, otzohm erekkaabha onaang adabhi pa Philistiya oben bi, “Bong na kpa nnam m'ogbe nwa; kkeri ɔkk'aam odik kpenamkpen

ogbaakha." Mando kw'adabhi pa Philistiya atzim silva ka mbøhk akwu.

¹⁹ Mada obøkh-e ḥottaabh-e ma ndaak, Delila oyeri ḥonqong okwu ophyiri Samson akpadim azenamfa pẹ, osi efa ehe-e.

²⁰ Mę wọ ofon, kwanqong nwa oyer-e, "Samson, anqong pa Philistiya an-abøkh-o e!"

Mada ophyøbh, ochibhi bi, "Tte nsi macha mminsi, mkpaara ndik sabé atzima adabh-m." Yina, wa korong bi, Ovaar Ibinokpaabyi okable ọbøhk ḥotta.

²¹ Mando kw'anqong pa Philistiya abøkh-e, arøbh-e chen, atzim-e achina k'obhon kwa Gaza. Wa bę agbaakħ-e ttara mgbakkohbh sa brons, bę ahokħ-e bi, om-okhok ekpo k'egbakkohbh-ttoħħmma.

²² Yina, wa isisaa sę s'eho ibiri ittewor imen.

Obo kwa Samson

²³ Iwa adabhi pa Philistiya atzobha bi, bę aføħni ejā okablekka anang Dagon kw'ode okable fabę, ttara bi, bę abira asi odataami, bę aben bi, "Okha faman okk'Samson kw'ode ḥottattaanga-nqong kwaman, ottenhamha okhe man ka mbøhk."

²⁴ Mada anqong mba are-e, bę anang okable ikpokpobha, aben bi,

"Okha famaan

okk'ḥottattaanga-nqong kwaman ottenhamha okhe man ka mbøhk,

kw'okhe irerek saman ka dama-dama
obiro ofhu man k'øħħaab."

²⁵ Mada bę am-asi odataami, bę aben bi, "Bong dima Samson ayin ka, okwu osi momma aha." Wa

bẹ ayeri Samson k'ęgbakkohbh-ttōhmma oyin ka, okwu osi bẹ amma aha.

Mada bẹ abe-ę k'ottem kwa mkpommachi.

²⁶ Wa Samson oben ọtzohmnong kw'obokh-e bi, "Tte mbe k'ibe sa mfha mbokha mbokh ka mkpommachi sa mbok ọhohm nwa, ifha mphe me."

²⁷ Wa anong afu m'ohohm nwa *bi pyer*, ajinong omaana panong; wa adabhi pa Philistiya abira awobha me, anong nnohna nzenamfa obhiri aröbh jobh ajinong omaana panong, awobha k'enyoħng am-are idik sa Samson om-osi.

²⁸ Mę wę ofon, wa Samson ozi njohmoyeri Qvaar Ibinokpaabyi, oben bi, "O Qvaar Ibinokpaabyi kw'Qyohng, jim-m e. Tzotzokhaan, Ibinokpaabyi nang-m ęfa ogbe nwa wani dokh e, ndima ębokh-duk dani ndima ndukha chen paam af a p'anong mba pa Philistiya aröbh."

²⁹ Mando kwa Samson ębok mbokh ka mkpommachi mfa sa mbok ọhohm nwa k'ottem. Ębokha odimbokh k'ekpommachi dani, obiro otzima kwabokh ębokha ndonggo.

³⁰ Samson oben bi, "Tte kaam mpe ttara anong mba pa Philistiya!" Mę wę ofon, Samson otzima ęfa chę biphyir onyuni mkpommachi nna maa, wa ọhohm otto ękpékhi adabhi pa Philistiya omaana anong biphyir p'awobh k'ohohm nwa k'ętzaanga. Wa anong p'ofhu k'ogbe kw'ope, an-anyoħnга anong p'ofhu da orukhi akpen.

³¹ Iwa agbaanatte pę, omaana ęhohmmor ch'otte biphyir afona bi, atza atzokh-e. Bę atzim-ę akpa nnam atza anohnga k'ottem kwa Zora omaana

Eshtaoł k'epekhubb ch'otte Manoa. Kę wa ode osi-aponga k'Israeł ka cho ेrobh.

17

Okha fa Mika okpobh

¹ Iwa ojinong wani kw'ofon k'okhubha kwa mgbegbeho s'Ephraim, kw'okpen Mika,

² obeni okka bi, "Ashekəł pa silva nnohna mfa obhiri arobh chi pa bę atzök ka mböhk so, pa areng abę anang ọnong kw'otzök emma, pa mbiri mmaanga da agbaakhi okhuri, kkeri bę ma e, kaam wö ndök bę e."

Okka on-oben bi, "Nnwa kwaam, tte Ọvaar Ibinokpaabyi ọdọ-o!"

³ Mada orikhi ashekəł mba pa silva nnohna mfa obhiri arobh chi ọnang ıkka, ıkka on-oben bi, "K'odik-ıkka, kaam ntte asilva mba paam ọböhk nnang Ọvaar Ibinokpaabyi, ifha nnwa kwaam osi ọgbatza kwa bę atzima silva abhori. Kaam ndökha ọgbatza nwa mkpa nnam nnang-ọ."

⁴ Mada orikhi asilva mba ọnang ıkka, ıkka ọn-otzökha ashékəł arobh jobh pa silva ọnang otzetzekha kwa silva, kw'otzim bę oduk ọgbatza nwa. Wa bę atzök-ę atza ahok k'ohohm kwa Mika.

⁵ Iwa ojinong nwa kw'okpen Mika okkekkeni ıkhaama ıkhpapa, wa osi ẹphod ọmaana ikha sa ehohmmor, okwu ıtzoekha nnwa wani kwę kw'ijinong, otzima osi ọföhneja kwę.

⁶ K'ogbe nwa, wa anong p'Israeł ọvaarnong kakhaam, wa ọnong kpenamkpen orukhi akpen p'adaakh-ę.

⁷ Iwa odikkobh kw'efonamma cha Lévi, ka Bételehém k'ekhöma cha Juda,

⁸ obina oji Bételehém ka Juda oror ibe idodok s'owobha. Mada oreng k'eden, ọtza ọyaakha k'ohohm kwa Mika, k'okhubha kwa mgbegbeho s'Ephraim.

⁹ Mika ọbogh-ę bi, “Kọ afon man o?”

Oben bi, “Kaam mfon k'efonamma cha Lévi, ka Bételehém k'ekhöma cha Juda e. Kaam nnori ibe sa nwobha.”

¹⁰ Mẹ wọ ofon, Mika oben-ę bi, “Kọ ruk ma ttar-m, ifha ade otte ọmaana ofohnéja kwaam. Kaam nnang-ọ ashékél jobh pa silva ka cho, mbiri nnang-ọ Ọbara ttara ọchattóhk.” Ojinong nwa kw'efonamma cha Lévi odim k'etzaanga.

¹¹ Wa odikkobh nwa kwa Lévi okhera bi, oruk ttar-ę. Odikkobh nwa on-ode macha nnwa wani kwé kw'ijinong.

¹² Mando kwa Mika osi odikkobh nwa kwa Lévi ofohnéja kwé, obiro oruk k'ohohm kwé.

¹³ Mika e, oben bi, “Kaam nkk'nna nnonga bi, Ovaar Ibinokpaabyi ósi ejibha osi ọnang-m, da odikkobh nwa kwa Lévi okable ofohnéja kwaam ọn-oda.”

18

Anong p'ekhöma cha Dan arukhi ka Laish

¹ K'ogbe nwuma wa anong p'Israël ọvaarnong kakhaam.

K'ogbe nwuma wa anong p'ekhöma cha Dan am-aror ibe s'ide sabé, ifha bé afha aruk, okhuri da iwa bé ani ibe sa ide ekkema chabé atzima akhaama k'ottem kwa ngoma s'Israël.

2 Mę wọ ofon, anong pa Dan atzohm akkakkaama pabę anong azen p'afon k'ibhon sa Zora ọmaana Eştaol bi, bę atza arom ękhoma nda bę abira arenga are che. Wa ajinong mba afon ka nnomma sa Dan biphyir. Bę agbaak bę bi, "Bong nöhng atza arenga are ękhoma nduma."

Mando kw'ajinong mba afon atza adim k'okhubha kwa mgbegbeho s'Ephraim atza ahakha k'ohohm kwa Mika, bę abhing mę m'erungiwu nduma.

3 Mada bę abaang əhohm kwa Mika, bę atzin odikkobh kw'efonamma cha Lévi k'emong; mę wọ ofon, bę afona atza akhebh-ę, abobh-ę bi, "Anyi wọ otzim-ọ akwu ma? Am-asi mbong m'ibe nna? Mbong vọ otzim-ọ okwu ma?"

4 Mando kw'otzok odik kwa Mika əkk'osa ənang-ę əgbaak bę, oben bi, "Kę əkk'aam ətzokha k'otzohm e, kaam wọ nde əfəhnəja kwę e."

5 Mę wọ ofon, bę aben-ę bi, "Tzotzokhaan, kọ dōhn Ibinokpaabyi ifha moronga s'ode na orenga kwaman ójibh ənang man."

6 Əfəhnəja nwa obhina bę bi, "Bong nöhng k'odidiri. Ovaar Ibinokpaabyi əkk'orenga kwabong əda."

7 Mando kw'ajinong mba azen abin achina Laish, atza are bi, anong p'arukhi kę, bę arukhi k'odidiri, mach'anong pa Sidon, p'arukhi k'odidiri bę ojora kabira akhaama. Wa ojibhi anong mba ojibh okhuri da əttohk manda vani oni k'ękhoma chabę owori. Ibe sa bę abira aruk ibhir eden k'ękhoma cha Sidon, wa bę oforgbakha manda wani kakhaam ttara anong adədök.

8 Mada bę akhun k'ibhon sa Zora, omaana Eshtaoł, votté aböbh bę bi, "Yan wọ kw'idik ide ttara bong?"

9 Bę abhina bi, "Bong kwu, motza orima bę abe! Kkeri mɔkk'ora bi, irerek nnuma ijibh-ojibh. Bong bi səbh kawobha, bong ogbe kakhibhi, mofona motza ɔtzokha irerek nnuma.

10 Mada bong apyiri kę, bong akhebha anqong p'arukhi m'irerek nnuma p'ani chen ahokhi bi, odik ɔfha otto. Ibe nna ide irerek s'iwonni-owoni s'Ibinokpaabyi ɔkk'ɔtzokha okhe bong ka mböhk, sę ide irerek s'ini ɔttöhk manda vani iwori."

11 Mando kw'ajinong ẹnöhna obhiri aröbh jobh p'afon k'ekhöma cha Dan ado for s'egbong, abina ka Zora, omaana Eshtaoł.

12 Mada bę areng ka ɔkkadeden, bę attima ibhingabę abaanga Kiriyat-Jearim ka Juda. Kę wọ osi, bę ayeri okhubha kw'ewuchen em-edimi ka Kiriyat-Jerim Mahane-Dan maa, apyiri k'ewu cha mayina.

13 Bę abina mę achina k'okhubha kwa mgbeg-beho s'Ephraim, atza ahakha k'ohohm kwa Mika.

14 Mę wọ ofon, ajinong mba azən p'akk'ekhöma cha Laish atza aroma, aböbh votté pabę bi, "Bong arong kę bi, ohohm wani k'ottem kw'ihohm nna ɔkhaam ephöd, omaana agbatza p'ehohmmor omaana ogbatza kwa bę atzim silva abhori? Böbong arong odem kwa bong asi kę."

15 Mę wọ e, bę abina mę achina k'ohohm kwa Mika atza arima odikkobh kwa Lévi.

16 Ajinong mba ẹnöhna obhiri aröbh jobh p'efonamma cha Dan, p'akk'igbong-for adabha, atza abe k'ebaakhama ch'obhon.

17 Ajinqong mba azen p'akk'afona atza arom irerek nna, adim k'ohohm etzaanga atza atzini ögbatza, omaana ephod omaana agbatza p'ehohmmor, k'ogbe kw'ofohnjeja omaana ajinqong p'akk'igbong-for adabha anqong enohna obhiri arobh jobh, abe k'ebaakhama ch'obhon.

18 Mada ajinqong mba azen adimi k'ohohm kwa Mika atza atzokha ögbatza, omaana ephod omaana agbatza p'ehohmmor, ofohnjeja obobh be bi, "Mbong fa bong am-asi?"

19 Be abhin-e bi, "Myi bi seebh! Odik ma kagbaak. Tzon man abe, abira ade man otte ttara ofohnjeja. Bi ko ade ofohnjeja k'ekhoma dani omaana k'enomma dani ch'Israel, ttara bi, ko akwu ade ofohnjeja k'ehohmmor ch'ojinqong wani, yan wo ojibhi ɔtzam?"

20 Wa ofohnjeja nwa ettem edaam-e k'eden-ɔkka. ɔtzokha ephod omaana agbatza mba p'ehohmmor, omaana ögbatza nwa kwa be agwa-ögwa, ɔtzon anqong mba abe ofona.

21 Wa be abhakhi nnam afona, va pabe omaana etzirakpo pyabé ttara ékakhaama chabé, achi be eden.

22 Mada be akk'afona k'odenmir aji ohohm kwa Mika, ajinqong p'arukhi abaanga Mika ayeri for sabé atzobha, be afona atza akhohbha anqong pa Dan k'itzitzikha.

23 Mada be agwoni be, anqong pa Dan abhakhi nnam aben Mika bi, "Bong odik wo ɔsɔ-ɔ kw'ayeri ajinqong po bi, be akwu arima erima o?"

24 Mika obhina bi, "Bong atzok agbatza pa ngwa, omaana ofohnjeja kwaam, atzima afona. Ottóhk

manda vani dök kingaam, okhuri yan kwa bong
an-abobh bi, "Kọ ode yan o? "

²⁵ Anong pa Dan abhina bi, "Ikhakhaanga
kasi ttara man, oni mando ode, ajinong bani
ma, atzima ottem-pyibha arim-ọ abẹ, kọ omaana
ehohmmor chọ ádimi akpen pabong odimi."

²⁶ Mando kw'anong pa Dan afon *bi bẹem*. Mada
Mika ore bi, ajinong mba agaangi ọtzam ayohng-e,
obhakhi nnam obhana.

²⁷ Mando kwa bẹ atzok ekpo pya Mika ọkk'osa,
omaana ofohneja kwẹ atzima afona achina ka
Laish, atza arima egbong ttara anong p'arukhi
k'odidiri bẹ ojora kabira akhaama. Bẹ atzima
okkangkaang arima anong mba abẹ, bẹ abira
akwomi odedenmon kwabẹ.

²⁸ Wa ọnong manda wani kw'okkaan bẹ kode,
da obhon kwabẹ obhiri eden k'obhon kwa Sidon,
ttara bi, wa bẹ oforgbakha ttara obhon manda
wani kakhaam. Wa odedenmon nwa owobh
k'ittolim s'ibaang Bet-Rehob.

Wa anong pa Dan an-abira asi odedenmon nwa,
aruk mẽ.

²⁹ Kaambi ode bi, wa obhon nwa okpen Laish,
bẹ an-akpé-e che abhina Dan, kw'ode otte kwabẹ²
kw'ideden, kw'iwa ode nnwa kwa Jekob.

³⁰ Wa anong pa Dan atzokha ọgbatza nwa
attima, Jonatan kw'ode nnwa kwa Gershom,
kw'ode nnwa kwa Moses, omaana va pẹ p'ijinong
bọ iwa ade afohneja p'ekhomma cha Dan maa, akwu
apyiri k'ogbe kwa bẹ abok ẹkhomma nda k'emmori.

³¹ Be achina ororo akpobha Ọgbatza nwa
kwa Mika ọkk'osa, k'ogbe biphyir kw'ohom
kw'Ibinokpaabyi owobh ka Shilo.

19

Ofona-nwa kwa Levi ọmaana ọkkora-kwanọnq kwẹ

¹ K'ogbe nwuma wa anọnq p'Israël ọvaarnọnq kakhaam.

Iwa ọkhaam ojinọnq wani kw'efonamma cha Levi, kw'orukhi k'etzaanga-etzaanga kw'okhubha kwa mgbegbeho s'Ephraim, kw'otzök ọkkora-kwanọnq kw'ofon Bętelehem ka Juda.

² Yina, wa ọkkora-kwanọnq nwa osi emmaanta-tzama otzima otzor odim. Wa obin oji odim, ọkpa nnam k'otte k'ohohm ka Bętelehem kwa Juda. Mada okk'aphe anna owobha ke,

³ odim obina ttara atzohmnọnq pẹ ọmaana nnyanyaang sẹ mfa, bi otza okhukh-e ọkpa nnam. Mando kwa kwanọnq nwa otzim odim, ọnwa k'ohohm kw'otte. Mada otte kwa kwanọnq ore-e, ọgوم-e ttara ottem-daamiji.

⁴ Ọnye kwẹ kw'ođe otte kwa kwanọnq, ophyem-e bi obhing, mando kw'obhingi ttara bẹ k'iwu ittaan. Om-ochi obiro ogwo, obiro ottaabha me.

⁵ Ottong iwu inna, bẹ abina k'ekpekpebha ado for bi, bẹ afona. Yina, otte kwa kwanọnq oben odim kwa nnwa bi, "Kọ bọkha ebhohr yina afona."

⁶ Mando kwa bẹ anọnq afa awobh ibe rani achi ọchattohk abira agwo atzuk. Mada bẹ akk'akyera, otte kwa kwanọnq oben bi, "Tzotzokhaan, tte ettem edataam-o bi, awobha ma m'erungiwu nda."

⁷ Yina, k'ogbe kw'ojinọnq nwa obin bi ofona, otte kwa kwanọnq oden-e maa, okhera oyima m'erungiwu nduma.

⁸ K'ekpebha ch'ewu ehobh, ch'ettong iwu izen, mada obin bi ofona, otte kwa kwanọnq oben

bi, "Kọ bokha ẹbhọhr, awobha maa, apyiri k'eya!" Mando kwa bẹ atzoni achi ọtọhk.

9 K'ogbe kw'ojinong nwa, ọmaana ọkkora-kwanong kwẹ ttara ọtzohmnong kwẹ abin bi afona, ọnụe kwẹ kw'ode otte kwa kwanong, oben bi, "Kker e, erungi en-ekkekkeni epyi e, chi ọtọhk yima ma e; kkeri ewu erek'eħa e. Iphyini ekpekpebha, abina abhana k'ohohm kwọ e."

10 Yina, wa itta nwa kẹ kodaakhi bi obiro oyima mẹ k'erungiwu ẹdədök. Wa odo nnyanyaang sẹ ewobha, otzima ọkkora-kwanong kwẹ obina orenga ochina k'okhubha kwa Jēbus (kw'ode Jérusalém).

11 K'ogbe kwa bẹ akk'Jēbus abaanga, da ewu en-ebubha, ọtzohmnong kw'ojojiong nwa oben itta kwẹ bi, "Tte mobhing m'odedenmon kw'anong pa Jēbus m'erungiwu nda e."

12 Itta kwẹ obhina ọtzohmnong nwa bi, "Mma e, man k'odedenmon manda wani kw'oni kw'anong p'Israël ode kótza. Ottu kw'am-osi mando, mokwōbha óchina ka Gibeä.

13 Tte mokhonga opyiri ka Gibeä, obiro ode Rama, ifha moyima m'obhon wani kw'ibhon nna ifa e."

14 Mando kwa be achin ororo maa, bẹ atza abaanga Gibeä k'ekhoma cha Benjamin, ka nchohkha-bohk.

15 Bẹ atza akwōbha ka Gibeä bi bẹ abhing m'erungiwu nduma. Bẹ afona atza awobha ẹwɔr ka nttaanga-chi s'odedenmon. Yina, ọnong mando wani kw'oyeri bẹ bi, bẹ atza k'ohohm kwẹ kode.

16 M'ęchöhkha nduma, ọtzaminongoose-jinongoose wani kw'ofon k'okhubha kwa mgbegbeho s'Ephraim, oruk ka Gibeal ofona k'owoni kw'osi otzohm okhuna. Wa anong pa Gibeal p'iwa arukhi m'ibe nna ade anong p'ekhomma cha Benjamin.

17 Mada ọtzaminongoose nwa otzini chen okkeri ka nttaanga-chi s'odededenmon, ọn-qbobh bi, "Bong afon man o? Bong am-achina man o?"

18 Ofona-nwa nwa kwa Levi, obhina bi, "Mofon ka Betelehem k'ekhomma cha Juda, om-ochina k'etzaanga-etzaanga kw'okhubha kwa mgbegbeho s'Ephraim, kę da kaam nnukhi. Wa kaam nda Betelehem k'ekhomma cha Juda, ma, kaam nna nchin k'ohohm kw'Ovaar Ibinokpaabyi. Ọnongoose manda wani kw'okk'aam otzima bi, nda nyima k'ibe se kode.

19 Maman ottóhk manda vani korori. Mokhaam araraari-bukhi omaana ọchattohk fa nnyanyaang saman ka e. Mokhaama bred omaana atzuk p'abenga kaam omaana kwanongoose kwaam ttara odikkobh nwa."

20 Me wo ofon, ọtzaminongoose nwa oben bi, "Bong kwu wobha k'ohohm kwaam. Bong ma nttaanga-chi nna kawobha. Tte nnang bong ottóhk kpenamkpen fa bong aror."

21 Mando kw'otzaminongoose nwa otzim ojinongoose nwa ochina k'ohohm kwę, obiro ọnang nnyanyaang se ọchattohk. Mada okk'mando asa, be agbobhi mmokpatzökhi sabę, be achi ottóhk, abira agwo atzuk.

22 K'ogbe kwa be awobh k'ottemdamiji nwa, abibyanongoose bani p'odededenmon nwa akhori ohohm akhe k'ottem. Be adani ọmma, am-akpebh

ọtzaminỌng kw'okhaam ọhohm, aben bi, "Tzima ajinỌng mba p'ahak m'ohohm kwọ kwu, ifha moyima bẹ abẹ."

²³ Mando kw'okhaam-ohohm oyini k'iyaan, oben ajinỌng mba bi, "Mma e, ab'ayi, bẹng obibyadik-dema nwa kasi e. Mada ojinỌng nwa ode okhekhenنong kwaam, bẹng ogbarsa-dik-dema nwa, kàsi.

²⁴ Bẹng kkeri, ominanwa kwaam omaana ọkkora-kwanỌng kw'ojinỌng nwuma awobh ma e. Ñdima bẹ otzima nyin ka, ifha bẹng ọtzokha bẹ asi mach'achibhi pabẹng ade. On-ode ojinỌng nwa, bẹng ogbarsa-dik-dema nwa kàsi."

²⁵ Kaambi mè wọ, ajinỌng mba itzohng kayong anang ọtzaminỌng nwa. Mè wọ ofon, ofona-jinỌng nwa kwa Lévi, ọtzokha ọkkora-kwanỌng kwẹ ọnang ajinỌng mba k'iyaan. Bẹ abokh-ẹ k'efä ayima abẹ m'erungiwu nduma biphyir. Mada ewu ehobh, bẹ atte kwanỌng ọbokh ofona.

²⁶ M'owuhobha, kwanỌng ọkpa nnam ochina k'ohohm kw'itta kwẹ om-owobha, otto owobha m'ibhokhi, oyima mè maa, ewu akyera ettenai.

²⁷ K'ogbe kw'itta kwa kwanỌng nwa ọn-ophyobh k'ekpebha, okwunga ọmma bi ochina ororo k'orenga kwẹ, on-ore ọkkora-kwanỌng kwẹ kw'okk'otta m'omma kw'ohohm, ọtzokha mbokh ọbokha m'omma.

²⁸ Itta kwẹ oben-ẹ bi, "Bina, mofona." Yina, emong kosi. Mando kw'ojinỌng nwa otzin-ẹ ọnana k'enyanayaang otzim-ẹ ọbhana.

²⁹ Mada bẹ apyiri k'ohohm, ọtzokha okkor ọkpohk kwanỌng ka ngoma-ka ngoma k'obe jobh

obhiri afa, ọtzökha ọtzohm ka ngoma jobh obhiri mfa s'Israël.

³⁰ Onong kpenamkpen kw'ore kwé ọn-obhakhi oben oyok bi, “Bé odik-dema nwa atzim am-asa, anong odik-dema nwa atzim am-ara, ttewor k'ewu ch'iwa anong p'Israël abin k'Ijip. Bong chibhi odik nwa, mokhaambi more odik okhuri kwé e!”

20

Anong p'Israël anangi anong pa Bənjamin et-tuma

¹ Iwa anong p'Israël, ttewor k'ekhōma cha Dan maa, apyiri ka Beershēba, akwu attara ekhōma cha Gilead, afon atza atzobha mach'anong bani ka Mizpa, k'itzitzikha s'Qvaar Ibinokpaabyi.

² Wa adenho biphyir pa ngoma s'anong p'Israël atzökha nwobha sabé, k'ewobha ch'anong p'Qvaar Ibinokpaabyi p'ade, anong nnohna-nnohna mfa obhiri aróbh jobh p'adabhi igbong-for atzimakkangkaang.

³ (Wa anong p'ekhōma cha Bənjamin abhaanga bi, anong p'Israël akk'avura atza atzobha ka Mizpa.) Mè wò osi, anong p'Israël aben bi, “Bong gbaak man odem kw'obibya-dik-dema nwa oreng otto.”

⁴ Mè wò ofon, ojinong nwa kw'efonamma cha Levi, kw'ode odim kwa kwanong kwa bé afhu, oben bi, “Kaam omaana okkora-kwanong kwaam wa mokwu ka Gibeal k'ekhōma cha Bənjamin bi, mobhing m'erungiwu nda.

5 M'erungi nduma ajinongan p'afon ma Gibeakhubh-m, akwu akhori ọhohm akhe k'ottem, am-akham bi afhu-m. Bé ayima ọkkora-kwanongan kwaam abe k'efa maa, ope.

6 Mè wò osi, kaam ndokha ọkkora-kwanongan kwaam, njohkhi k'akhuma-k'akhuma, ndokha ikhuma rani-rani ndohm k'ekhomma kpenamkpen ch'Israël akhaam ekkema, okhuri bi k'Israël wò kwa bé awobh asi ebyibya nda omaana odik-ttama nwa.

7 Mè wò, bóbong anongan p'Israël biphyir, bong gbaakh-m odem kwa bong akk'attohna bi, asi e."

8 Mando kw'ajinongan biphyir atzim ochibhi wani abina k'erongan, aben bi, "Ọnongan manda wani ka man k'ottem kw'obhana k'ohohm, kóde. K'odik-ókka, ọnongan manda wani kw'obhana k'ohohm kwé, kóde.

9 Ma wò ode odik kwa mósi anongan pa Gibeamotza orima bé abe otzor k'odem kw'ëjaakhi ch'ose, ede.

10 Mòrobha ajinongan jobh k'ottem kw'ajinongan arobh azén k'ekhomma kpenamkpen ch'Israël. Mòrobha ajinongan arobh azén k'ottem kw'ajinongan nnöhna mfa obhiri arobh jobh kpenamkpen. Mòrobha ajinongan nnöhna mfa obhiri arobh jobh, k'ottem kw'ajinongan nnöhna ẹrobh obhiri nzen, ifha anongan mba am-aror ochattohk f'arim-egbong. K'ogbe kw'arim-egbong ápyiri ka Gibeak'ekhomacha Béjamin, bé anang anongan pa Gibeaihem s'ibaan bé, k'odik-ttama nwa kwa bé asi k'Israël."

11 Mando kw'anongan p'Israël biphyir akhaam akhera dani mach'anongan bani, atza arima anongan p'odedenmon nwa abe.

12 Iwa anong pa ngoma s'anong p'Israël atzohm akkaabhb-nkkaabha makhora ekhoma cha Béjamin, aben bi, "Bong obibyadik-dem wó kwa bong asi k'ottem kwa bong ma?

13 Bong nang man ajinong-dama mba p'afon ka Gibeal ifha mofhu bé, k'odem kwa mogbophi ebibya nda k'Israël obhari."

Yina, anong p'ekhoma cha Béjamin bé ayokh-obhon p'Israël itzohng kayong.

14 Iwa anong p'ekhoma cha Béjamin abina k'ibhon sabé atza atzobha ka Gibeal bi, bé arima anong p'Israël abé.

15 Mé ébaa mé, anong p'ekhoma cha Béjamin atzekha ajinong k'ibhon sabé p'am-atzima akkangkaang arima egbong, anong nnohna arobh attaan obhiri azen akwu attara k'adikkobh p'akhaam éfa abira aruk ka Gibeal, anong nnohna-nnohna nna obhiri arobh azenamfa obhiri jobh.

16 K'ottem kw'arim-egbong mba biphyir, wa bé atzek anong énohna obhiri arobh chi p'asi ibhiribohk bé abira atzor obohk k'etzabhari. Ónong kw'om-obhari ótza bi ótzobh ésisaa-naanga, kw'opyini kode.

17 Akhiri anong p'ekhoma cha Béjamin aji, wa anong p'Israël atzobh anong p'am-atzima okkangkaang arima egbong, anong nnohna-nnohna mfa obhiri arobh jobh, bé biphyir akhaam ekkoji ch'egbong.

18 Mé wó ofon, wa anong p'Israël afona achina ka Bétel atza adohn Ibinokpaabyi. Bé aben bi, "Bong ekhoma k'ottem kwaman dó echí eden étza erima anong p'ekhoma cha Béjamin abé o?"

Iwa Ovaar Ibinokpaabyi obhina bi, “Ekhomá cha Juda dò échi eden.”

¹⁹ K'ekpebha ch'ewu ehobh mè, anong p'Israël atza attima ibhingabe obaanga Gibea.

²⁰ Wa anong p'Israël atza arima anong p'ekhomá cha Béjamin abé, bë atza abe atzik bë ka Gibea.

²¹ Wa anong pa Béjamin abina ka Gibea m'ewu nduma, atza afhu anong p'Israël nnohna arôbh afa obhiri chi, k'egbong-dam.

²² Yina, wa anong p'Israël an-akhe ayok ẹfa, abira atza abe atzik kë da iwa bë arim egbong k'echedenwu.

²³ Wa anong p'Israël avura k'ikpokpobhabe atza abhom ayeri Ovaar Ibinokpaabyi maa, ẹchóhkha etto, Bë aben bi, “Mobiro ótza orima anong pa Béjamin p'ade ayokh-obhon paman, abé o?”

Ovaar Ibinokpaabyi obhina bi, “Bong nöhng atza arima bë abé.”

²⁴ Mando kw'anong p'Israël arôkhi abaanga ekhomá cha Béjamin, ottong iwu ifa.

²⁵ M'ogbe nwa, iwa ajinong pa Béjamin ayin ka Gibea akwu arima anong p'Israël abé, bë afhu anong p'Israël anong nho nnohna arôbh afa obhiri azen. Anong pa bë afhu biphyir ade anong p'amatzima akkangkaang arim egbong.

²⁶ Mè wò ofon, anong p'Israël biphyir ọmaana arim-egbong biphyir avura achina ka Bétel, atza awobha ewor kë abhom anang Ovaar Ibinokpaabyi. Bë atzim ọchattóhk m'ewu nduma maa, apyiri k'echóhkha. Bë asi nnanga nkwomisé ọmaana nnanga s'odidiri anang Ovaar Ibinokpaabyi.

27 Wa anong p'Israeł adon Ovaar Ibinokpaabyi bi. (K'ogbe nwuma, wa Ekkohbhi ch'Echekhi ch'Ovaar Ibinokpaabyi ewobh mẽ,

28 Phinəhas kw'ode nnwa kw'Eleaza, omaana nnwa kw'Aaron kw'ijinong bo iwa ade atzohmnong mẽ). Wa bę abobh bi, "Mobiro ótza orima anong pa Bənjamin p'ade ayokh-obhon paman, abę ra a?"

Ovaar Ibinokpaabyi obhina bi, "Bong nōhng, kkeri ophyini ndokha bę ɔtzokha nge bong ka mböhk."

29 Mę wę ofon, anong p'Israeł atza abe akhori Gibeä.

30 Wa anong p'Israeł avura atza arima ekhoma cha Bənjamin abę, ottong iwu ittaan. Bę atza abe atzik ka Gibeä, mach'iwa bę akk'asa.

31 Wa anong p'ekhoma cha Bənjamin abina akwu arima anong p'Israeł abę, anong p'Israeł atzor bę atzima abina k'odededenmon. Bę attewor ammuma anong p'Israeł ekpo mach'iwa bę akk'am-asa maa, bę afhu ajinong eröbh obhiri jobh k'iwoni omaana k'akkadeden. Wa eden dani echin ka Bętel ndonggo echina ka Gibeä.

32 Mada anong p'ekhoma cha Bənjamin am-aben bi, "Mokhema bę okhema mach'ira k'echeden e." Anong p'Israeł am-aben bi, "Bong motzor bę otzima obina k'odededenmon oyin k'økkadeden."

33 Iwa ajinong p'Israeł biphyir abina k'obe f'ira bę abe, atza abe ka Baal-Tamar. Mando kw'anong p'Israeł abin k'obe fa bę achubh, arenga k'okhubha kw'ewuchen em-edimi ka Gibeä ayin ka.

34 Mando kw'adikkobh p'Israël p'akhaam efa, anong nnohna erobh obhiri azen, akwu arima Gibeä abé itzitzikha ttara itzitzikha. Wa erima nda egaangi maa, anong p'ekhoma cha Béjamin katzini bi, edimi chabé dō em-ekwu mē.

35 Mando kw'Ovaar Ibinokpaabyi okhem anong p'ekhoma cha Béjamin k'itzitzikha s'anong p'Israël. Mē ewu nduma, anong p'Israël afhu anong pa Béjamin nnohna aröbh attaan obhiri nttaan obhiri jobh. Wa anong pa bē afhu biphyir ade anong p'am-atzima akkangkkaang arim egbong.

36 Wa anong p'ekhoma cha Béjamin an-are bi, bē akk'bē akhema.

Iwa ajinong p'Israël akk'abina aji anong pa Béjamin, okhuri da iwa bē aphe nnam k'anong p'achubh atzik kē obaanga Gibeä.

37 Wa ajinong p'achubh atzik abin m'ebhar-ebhar adim ka Gibeä, bē anyaami atzima akkangkkaang afhu anong k'odedenmon makhora.

38 Ode ch'iwa anong p'Israël akk'mphaari asa ttara anong p'achubh atzik bi, bē asi irorong k'odedenmon s'ivura ichina k'erong,

39 ifha anong p'Israël abhakhi bē abé.

Wa anong p'ekhoma cha Béjamin akk'ewor atta ammuma anong p'Israël ekpo maa (bē afhu anong eröbh obhiri jobh), bē aben bi, "Mokhema bē mach'ira k'echeden e."

40 K'ogbe kw'iwa irorong in-ittewor ivura k'erong k'odedenmon, anong p'ekhoma cha Béjamin an-abhakhi are irorong k'odedenmon makhora s'im-ivura k'erong.

41 Mando kw'anong p'Israël abhakhi anong p'ekhomma cha B'enjamin abe. Wa ojora anong p'ekhomma cha B'enjamin, okhuri da iwa bę atzini bi, itzama ikk'itta ikhebba bę.

42 Mę wę ofon, anong p'ekhomma cha B'enjamin arobh k'itzitzikha s'anong p'Israël achina k'okhubha kw'ibe s'anong an-arukhi, yina, bę kafha arobh anaanga egbong. Mando kw'anong p'Israël p'ayini k'ibhon, akhebh bę mę afhu.

43 Wa anong p'Israël akhori anong p'ekhomma cha B'enjamin akhe k'ottem, bę akhubh bę, abira afha akhohbha bę k'okhubha kw'ewuchen em-eyin ka Gibeä.

44 Wa anong p'ekhomma cha B'enjamin nnöhna arobh afa obhiri azen, ape. Wa anong p'ape biphyir ade akkakkaama.

45 Mada ajinong pa B'enjamin p'arikhì abhakhi nnam arobh achina k'okhubha kw'ibe s'anong an-arukhi k'itzakpa sa Rimon, anong p'Israël afhu ajinong nnöhna jobh obhiri mfa obhiri arobh jobh k'ökadeden. Bę achina ororo akhubh anong p'ekhomma cha B'enjamin maa, bę apyiri ka Gidom, bę abira afhu anong nnöhna nzen.

46 M'ewu nduma, ajinong p'ekhomma cha B'enjamin, p'am-atzima akkangkkaang arima egbong, anong nnöhna arobh attaan obhiri mfa obhiri arobh jobh, ape. Wa anong biphyir p'ape ade akkakkaama.

47 Wa anong enöhna obhiri arobh jobh abhakhi arobh, achina k'ibe s'anong an-arukhi k'itzakpa sa Rimon, bę awobha mę k'aphe anna.

48 Mando kw'ajinong p'Israël akpa nnam k'ekhomma ch'anong pa B'enjamin, atza atzima

òkkaangkaang afhu anong k'ibhon biphyir òmaana etzirakpo ttara ottóhk kpenamkpen fa bę are. Be akhe ibhon kpenamkpen sa bę are ekpon.

21

Anong p'Israël anang ajinòng pa Benjamin panòng pa bę aba

¹ Iwa ajinòng p'Israël akk'echekhi asa ka Mizpa bi: "Man aminava paman kótzókha ɔnang ojinòng manda wani kw'èkhoma cha Benjamin ɔba."

² Wa anong mba achina ka Betel, bę atza awobha ewor k'itzitzikha s'Ovaar Ibinókpaaabyi, am-abhom akpèbh k'idòdòkhi maa, ewu eha.

³ Bę abhom aben bi, "Ovaar Ibinókpaaabyi, kw'ode Ibinókpaaabyi kw'Israël, odik-dema nwa osi yan otto k'Israël o? Ma, èkhoma dani chaman k'Israël ekk'edimi ka man k'ottem el!"

⁴ K'ekpebha ch'ewu ehobh mę, anong mba asi ijafohnibe rani sa bę awobh asi nnanga nkwomisé òmaana nnaanga s'odidiri.

⁵ Mę wọ ofon, bę aben bi, "Bọngh èkhoma dö k'ottem kwa ngoma s'Israël dö eni man abe ẹtzoni, k'ogbe kw'ira motzobh k'itzitzikha s'Ovaar Ibinókpaaabyi ka Mizpa?" Ode cha bę akk'anwohngi k'itzitzikha s'Ovaar Ibinókpaaabyi, achekhi bi, onong manda wani kw'obumi ok-wukwu, bę akhaambi afhé-e.

⁶ Iwa anong p'Israël akhaama nkkwosisi ttara Benjamin kw'ode ogbaanotte kwabę, aben bi, "Èkhoma dani k'ottem kwa ngoma s'Israël ekk'edimi mayina e.

⁷ Morenga yan oror panong pa mɔnang anqonqenga p'arikhio, da mokk'ochekhi ka che ch'Ovaar Ibinokpaabyi bi, man bɛ aminava paman kɔnang bi, bɛ aba o?"

⁸ Mɛ wɔ ofon, bɛ abobh bi, "Bong ekhomá dɔ k'ottem kwa ngoma s'Israël dɔ eni man abɛ etzoni, k'ogbe kw'ira motzobh k'itzitzikha s'Ovaar Ibinokpaabyi ka Mizpa?" Wa bɛ akwu aronga bi, ɔnqong manda wani kw'ofon Jabesh-Gilead kw'otza ewobha nda kode.

⁹ Mada bɛ akk'anqong abhikha biphyir, bɛ akwu are bi ɔnqong manda wani kw'ofon Jabesh-Gilead kode.

¹⁰ Mando kwa bɛ atzohmi akkakkaama akkakka pabɛ, anqong nnohna erobh obhiri jobh ka Jabesh-Gilead ttara ndohna bi, bɛ afhu ɔnqong kpenamkpen panong omaana va.

¹¹ Bɛ aben bi, "Ma wo ode odik kwa bong asi, bong fhu ajinong biphyir omaana kwanong kpenamkpen kw'okk'ojinong oronga."

¹² Mada bɛ apyiri ka Jabesh-Gilead, bɛ are aminava ənɔhna p'ani ajinong atzim aronga, bɛ atzima bɛ achina k'ibhingabe ka Shilo k'ekhomá cha Kenaan.

¹³ Iwa anqong p'Israël atzohm ekkaabha ch'emem achena anqong p'arikhio k'ekhomá cha Benjamin, p'iwa arukhi k'itzakpa sa Rimon.

¹⁴ Mɛ wɔ ofon, anqong p'ekhomá cha Benjamin akpa nnam abhana k'ihoqm sabɛ, bɛ atzokha aminava mba ənɔhna pa Jabesh-Gilead p'iwa bɛ an-afhu, anang ajinong mba bɛ aba. Yina, wa aminava mba ajinong mba biphyir kabeng.

15 Iwa anong mba akhaama nkkwosisi ttara Benjamin, okhuri da iwa Qvaar Ibinokpaabyi ɔkk'ophangi nwa ohokha ka ngoma s'Israël.

16 Mę wọ ofon, adedennong p'etzobha nda an-abobh bi, "Mada bę akk'panong p'ekhomma cha Benjamin biphyir afha, morenga yan oror panong pa mọnang ajinong p'an-arikhi o?

17 Anong p'ekhomma cha Benjamin akhaambi akhaama va pa atzera echo ch'anong p'arikhi, ifha bę aningi ekhomma dani ch'Israël adimi.

18 Man bę aminava paman kọnang bę aba, okhuri ɔnwöhngi kwa maman anong p'Israël ɔkk'otzokha bi: 'Emma ebokha ɔnong kpenamkpen kw'ɔnangi ojinong kw'ekhomma cha Benjamin kwanong.'

19 Bọng kker e, ɔdadaami kwa cho kw'Qvaar Ibinokpaabyi owobh ka Shilo, kw'owobh k'ebira-ebira kwa Bętel, k'okhubha kw'ewuchen em-eyin k'eden ch'echin ka Bętel ɔmaana Shékem, ttara k'erakha-erakha kwa Lębona."

20 Iwa bę anang anong p'ekhomma cha Benjamin ndohna, aben bi, "Bọng nong atza achubha k'iwonni sa grep

21 atzik. Mada aminava pa Shilo ayin ka bi, bę akwu attara k'okhaana kw'otzubha, ɔnong-ɔnong oyin k'iwonni sa grep, okwu ɔbokha ominanwa wani kw'otzima osi kwanong kwę. Bọng akpa nnam abhana k'ekhomma cha Benjamin.

22 Idikha ab'otte ɔmaana ab'ogbaanotte pabę apohr anang man, mógbaak bę bi, 'Bọng si man ɔphyaam akkaana bę, okhuri da iwa moni bę panong ɔnangi k'ogbe kw'egbong. Bọng oponga-pyibha kw'ɔnwöhngi ɔvovohkhi kàtzokha, okhuri

Nnwer kw'Asi-aponga 21:23 lxxxviii Nnwer kw'Asi-aponga 21:25

da iwa bong ani be aminava pabong anangi.' "

²³ Mando kw'iwa ajinong p'ekhoma cha Benjamin asi. Mada aminava mba am-atzubh ebin, ojinong kpenamkpen obokha ominanwa wani, otzima osi kwanong kwe. Mando kwa be akpa nnam abhana k'irerek s'ide ekkema chabe, be akpa nnam ado ibhon sabé, be aruk me.

²⁴ K'ogbe nwuma anong p'Israél atte ibe nna obokh abhana ka ngoma omaana ka nnomma sabé, onong-onong k'ekkema che.

²⁵ K'ogbe nwa, wa anong p'Israél ɔvaarnong kakhaam, wa onong kpenamkpen orukhi akpen k'odem kw'adaakh-é.

Mbembe Okohm
The Old Testament in the Mbe language of Nigeria:
Mbembe Okohm

copyright © 2025 The Seed Company

Language: (Mbe)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-02

PDF generated using Haiola and XeLaTeX on 2 Jul 2025 from source files
dated 2 Jul 2025

afef0302-20ca-51cc-9a5e-1b2796766b8d